

# 史記

## 卷四十二之四十四



13

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
JUL 30 1936

T 2455/21



Harvard College Library Imaging Services <http://imaging.harvard.edu>

CM 0	1	2	3	4	5	6	7	8	9	10	11	12	13	14	15	16	17
Lab D50 2°	95/0/2	81/0/0	66/0/0	51/0/1	35/0/0	20/0/0	29/19/-54	55/-39/33	40/9/-43	52/48/17	31/21/-21	72/-23/57	50/-28/-29	73/19/68			
	38/14/16	66/16/18	50/-5/-22	43/-14/21	55/-9/-25	71/-32/0	62/34/60	40/9/-43	52/48/17	31/21/-21	72/-23/57	50/-28/-29	73/19/68				



史記卷四十二

鄭世家第十二

哈佛大學漢和圖書館藏印

漢太史令龍門司馬遷撰

未中郎外兵參軍河東裴駙集解

唐國子博士弘文學士河內司馬貞索隱

唐諸王侍讀率府長史張守節正義

皇明朝列大夫國子監祭酒臣劉應秋

承直郎國子監司業臣楊道賓等奉

勅重較刊

皇明朝列大夫國子監祭酒臣吳士元

承德郎司業仍加俸一級臣黃錦等奉

旨重修

鄭桓公友者周厲王少子而宣王庶弟也

徐廣曰年表云子弟宣

王立二十二年友初封于鄭

索隱曰鄭縣名屬京兆秦武公十一年初縣杜鄭是

也又系本云桓公居棫林徙拾朱忠云棫林與拾皆舊地名是封桓公乃名為鄭耳至秦之縣鄭是鄭武公東

徙新鄭之後其舊鄭乃是故都封三十三歲百姓皆便故秦始改為縣也出地理志



愛之幽王以為司徒韋昭曰幽王八年為司徒○索和

集周民周民皆說河雒之間人便思之為司徒一歲幽

王以褒后故王室治多邪諸侯或畔之於是桓公問太

史伯虞翻曰曰王室多故予安逃死乎太史伯對曰獨

雒之東土河濟之南可居公曰何以對曰地近虢郟徐

曰虢在成臯郟在密縣駟案虞翻曰虢姬姓東虢也郟

姪姓○正義曰括地志云洛州汜水縣古東虢叔之國

東虢君也又云故郟城在鄭虢郟之君貪而好利索隱

州新鄭縣東北三十二里曰鄭

語云虢叔恃勢郟仲恃險皆有驕侈又加之百姓不附

以貪冒是也虢叔文王弟郟姪姓之國也

今公為司徒民皆愛公公誠請居之虢郟之君見公方

用事輕分公地公誠居之虢郟之民皆公之民也公曰

吾欲南之江上何如對曰昔祝融為高辛氏火正其功

大矣而其於周未有興者楚其後也周衰楚必興興非

鄭之利也公曰吾欲居西方何如對曰其民貪而好利

難久居公曰周衰何國興者對曰齊秦晉楚乎夫齊姜

姓伯夷之後也伯夷佐堯典禮秦嬴姓伯翳之後也伯

翳佐舜懷柔百物及楚之先皆嘗有功於天下而周武

王克紂後成王封叔虞于唐徐廣曰晉世家曰唐其地

阻險以此有德與周衰並亦必興矣桓公曰善於是卒

言王東徙其民雒東而虢郟果獻十邑虞翻曰十邑謂

依隸歷華也○索隱曰國語云太史伯曰若克二邑郟

蔽補丹依隸歷華若之上也虞翻註皆依國語為記

萬曆二十六年刊



竟國之

韋昭曰後武公竟取十邑地而居之今河南新鄭也

二歲犬戎殺幽王於

驪山下并殺桓公鄭人共立其子掘突

正義曰上求勿反下戶骨反

是為武公

索隱曰譙周二名突滑皆非也蓋古史失其名太史公循舊失而妄記之耳何以知其然

者按下文其孫昭公名忽厲公名突豈有孫與祖同名乎當是舊史雜記昭厲忽突之名遂誤以掘突為武公

之字武公十年娶申侯女

正義曰括地志云故申城在鄧州南陽縣北三十里左傳

云鄭武公取於申也

為夫人曰武姜生太子寤生生之難及生夫

人弗愛後生少子叔段段生易夫人愛之

徐廣曰年表云十四年生

寤生十七年

二十七年武公疾夫人請公欲立段為太

子公弗聽是歲武公卒寤生立是為莊公莊公元年封

弟段於京

賈逵曰京鄭都邑杜預曰今柴陽京縣

號太叔祭仲曰京大夫於

國非所以封庶也莊公曰武姜欲之我弗敢奪也段至

京繕治甲兵與其母武姜謀襲鄭二十二年段果襲鄭

武姜為內應莊公發兵伐段段走伐京京人畔段段出

走鄆

杜預曰鄆今鄆陵也

鄆潰段出奔共

賈逵曰共國名也杜預曰今汲郡共縣也○正

義曰按今衛州其城縣是也

於是莊公遷其母武姜於城穎

賈逵曰鄭地也

○正義曰疑許州臨穎縣是也誓言曰不至黃泉

服虔曰天玄地黃泉在地中故言黃泉

母相見也居歲餘已悔思母穎谷之考叔

賈逵曰穎谷鄭地○正義

曰括地志云穎水源出洛州嵩高縣東南三十里陽乾山今俗名穎山泉源出山之東谷其俗有古人居處俗

名為穎墟故老云是穎考之故有獻於公公賜食考叔

曰臣有母請君食賜臣母莊公曰我甚思母惡負盟柰



何考叔曰穿地至黃泉則相見矣於是遂從之見母二

十四年宋繆公卒公子馮奔鄭鄭侵周地取禾索隱曰左傳隱

三年鄭武公莊公為平王卿士王貳于虢及王崩周人將昇虢公政夏四月鄭祭足帥師取溫之麥秋又取成

周之禾索隱曰杜預曰桓公即位周鄭交惡至是始朝故言始也左傳又曰周桓公言於王曰我周之東遷晉鄭焉依

馮故也二十七年始朝周桓王桓王怒其取禾弗禮也

索隱曰杜預曰桓公即位周鄭交惡至是始朝故言始也左傳又曰周桓公言於王曰我周之東遷晉鄭焉依

善鄭以勸來者猶懼不善鄭以勸來者猶懼不

既況不禮焉鄭不來矣既況不禮焉鄭不來矣

二十九二十九

年莊公怒周弗禮與魯

易昉許田索隱曰許田近許之地魯朝宿之邑昉者鄭

守故以昉易許田各從其近三十三三十三

年宋殺孔父三十七年莊公不

朝周周桓王率陳蔡虢衛伐鄭莊公與祭仲高渠彌發

兵自救索隱曰左傳稱祭仲足蓋祭是邑其人各仲字

仲足故傳云祭封人中足是也此縉葛之戰在魯桓五年彌一

王師大敗祝瞻射中王臂索隱曰左傳氏作祝聃祝

瞻請從之鄭伯止之曰犯長且難之況敢陵天子乎乃

止夜令祭仲問王疾三十八年北戎伐齊齊使求救鄭

遣太子忽將兵救齊齊釐公欲妻之忽謝曰我小國非

齊敵也時祭仲與俱勸使取之曰君多內寵服虔曰言庶子有寵

者太子無大援將不立三公子皆君也所謂三公子者

太子忽其弟突次弟子釐也索隱曰此文則數太子忽及突子釐為三而杜預云

不數太子以子突子不數太子以子突子

釐子儀為三蓋得之四十三釐子儀為三蓋得之

年鄭莊公卒初祭仲甚有

寵於莊公莊公使為卿公使娶鄧女生太子忽故祭仲

萬曆二十六年刊



立之是為昭公莊公又娶宋雍氏女

賈逵曰雍氏黃帝之孫姑姓之後為

宋大夫生厲公突雍氏有寵於宋

服虔曰為宋正卿故曰有寵

宋莊公

聞祭仲之立忽乃使人誘召祭仲而執之曰不立突將

死亦執突以求賂焉祭仲許宋與宋盟以突歸立之昭

公忽聞祭仲以宋要立其弟突九月辛亥忽出奔衛已

亥突至鄭立是為厲公厲公四年祭仲專國政厲公患

之陰使其壻雍糾欲殺祭仲

賈逵曰雍糾鄭大夫

糾妻祭仲女也

知之謂其母曰父與夫孰親母曰父一而已人盡夫也

杜預曰婦人在室則天父出則天夫女以為疑故母以所生為本解之

女乃告祭仲祭仲

反殺雍糾戮之於市厲公無柰祭仲何怒糾曰謀及婦

人死固宜哉夏厲公出居邊邑櫟

宋衷曰今潁川陽翟縣○索隱曰按櫟音

歷即鄭初得

祭仲迎昭公忽六月乙亥復入鄭即位秋

杜預曰鄭守櫟大夫也○索隱曰依左傳

鄭厲公突因櫟人殺其大夫單伯

杜預曰鄭守櫟大夫也○索隱曰依左傳

作檀伯事在桓十五年此文誤為單伯者蓋亦有所因也按魯莊公十四年厲公自櫟侵鄭事與單伯會齊師

伐宋相連遂居之諸侯聞厲公出奔伐鄭弗克而去宋

頗予厲公兵自守於櫟鄭以故亦不伐櫟昭公二年自

昭公為太子時父莊公欲以高渠彌為卿太子忽惡之

莊公弗聽卒用渠彌為卿及昭公即位懼其殺已冬十

月辛卯渠彌與昭公出獵射殺昭公於野祭仲與渠彌

不敢入厲公乃更立昭公弟子亶為君是為子亶也無



諡號子亶元年七月齊襄公會諸侯於首止服虔曰首止通鄭之

地杜預曰首止衛地陳留襄邑縣東南有首鄉鄭子亶往會高渠彌相從祭仲

稱疾不行所以然者子亶自齊襄公為公子之時嘗會

鬪相仇及會諸侯祭仲請子亶無行子亶曰齊疆而厲

公居櫟即不往是幸諸侯伐我內厲公我不如往往何

遽必辱且又何至是卒行於是祭仲恐齊并殺之故稱

疾子亶至不謝齊侯齊侯怒遂伏甲而殺于亶高渠彌

亡歸索隱曰左氏云輟高渠彌歸與祭仲謀召子亶弟公子嬰於陳

而立之是為鄭子索隱曰左氏以鄭子名子義此云嬰蓋別有所見是歲齊襄

公使彭生醉拉殺魯桓公鄭子八年齊人管至父等作

亂弑其君襄公十二年宋人長萬弑其君湣公鄭祭仲

死十四年故鄭亡厲公突在櫟者使人誘劫鄭大夫甫

瑕要以求入索隱曰左傳作傅瑕此本多假借亦依字讀瑕曰合我我為君

殺鄭子而入君厲公與盟乃舍之六月甲子瑕殺鄭子

及其二子而迎厲公突突自櫟復入即位初內蛇與外

蛇鬪於鄭南門中內蛇死居六年厲公果復入入而讓

其伯父原索隱曰左傳謂之原繁曰我亡國外居伯父無意入我

亦甚矣原曰事君無二心人臣之職也原知罪矣遂自

殺厲公於是謂甫瑕日子之事君有二心矣遂誅之瑕

曰重德不報誠然哉厲公突後元年齊桓公始霸五年



燕衛與周惠王弟頹伐王索隱曰惠王莊王孫僖王子子頹莊王之妾王姚所生事

在莊十年王出奔溫立弟頹為王六年惠王告急鄭厲公

發兵擊周王子頹弗勝於是與周惠王歸王居于櫟七

年春鄭厲公與虢叔襲殺王子頹而入惠王于周秋厲

公卒子文公躒立厲公初立四歲亡居櫟居櫟十七歲

復入立七歲與亡凡二十八年文公十七年齊桓公以

兵破蔡遂伐楚至召陵二十四年文公之賤妾曰燕姑

賈逵曰姑南燕姓夢天與之蘭賈逵曰曰余為伯儵余爾祖也

儵南燕祖以是為而子蘭有國香以夢告文公文公幸

之而予之草蘭為符遂生子名曰蘭三十六年晉公子

重耳過文公弗禮文公弟叔詹曰重耳賢且又同姓窮

而過君不可無禮文公曰諸侯亡公子過者多矣安能

盡禮之詹曰君如弗禮遂殺之弗殺使即反國為鄭憂

矣文公弗聽三十七年春晉公子重耳反國立是為文

公秋鄭入滑滑聽命已而反與衛於是鄭伐滑索隱曰

二十四年鄭公子士周襄王使伯獮請滑索隱曰獮音

伯服游孫伯如鄭請滑杜預云鄭文公怨惠王之亡在

櫟而文公父厲公入之而惠王不賜厲公爵祿索隱曰

祿與左氏說異左傳云鄭伯享王王以后之鞶鑑與之說又怨襄王之與衛滑故不聽襄王請而囚伯獮王怒



與翟人伐鄭弗克冬翟攻伐襄王襄王出奔鄭鄭文公  
居王于汜三十八年晉文公入襄王成周四十一年助  
楚擊晉自晉文公之過無禮故背晉助楚四十三年晉  
文公與秦穆公共圍鄭討其助楚攻晉者及文公過時  
之無禮也初鄭文公有三夫人寵子五人皆以罪蚤死  
公怒漑徐廣曰一作瑕○索隱曰音既左傳作瑕逐羣公子子蘭奔晉從晉  
文公圍鄭時蘭事晉文公甚謹愛幸之乃私於晉以求  
入鄭為太子晉於是欲得叔詹為僇鄭文公恐不敢謂  
叔詹言詹聞言於鄭君曰臣謂君君不聽臣晉卒為患  
然晉所以圍鄭以詹詹死而赦鄭國詹之願也乃自殺

鄭人以詹尸與晉晉文公曰必欲一見鄭君辱之而去

鄭人患之乃使人私於秦曰破鄭益晉非秦之利也秦

兵罷晉文公欲入蘭為太子以告鄭鄭大夫石癸曰吾

聞姑姓乃后稷之元妃

杜預曰姑姓之女為后稷妃

其後當有興者

子蘭母其後也且夫人子盡已死餘庶子無如蘭賢今

圍急晉以為請利孰大焉遂許晉與盟卒而立子蘭為

太子晉兵乃罷去四十五年文公卒子蘭立是為繆公

繆公元年春秦繆公使三將將兵欲襲鄭至滑逢鄭賈

人弦高詐以十二牛勞軍故秦兵不至而還晉敗之於

崤初往年鄭文公之卒也鄭司城繒賀以鄭情賣之秦



兵故來三年鄭發兵從晉伐秦敗秦兵於汪往年徐廣曰繆

公之二年楚太子商臣弒其父成王代立二十一年與宋華

元伐鄭華元殺羊食士不與其御羊斟怒以馳鄭鄭囚

華元宋贖華元元亦亡去晉使趙穿以兵伐鄭二十二

年鄭繆公卒子夷立是為靈公靈公元年春楚獻鼈於

靈公子家子公將朝靈公賈逵曰二子鄭卿也子公之食指動服虔

日第謂子家曰佗日指動必食異物及入見靈公進鼈

羹子公笑曰果然靈公問其笑故具告靈公靈公召之

獨弗予羹子公怒染其指左傳曰染指於鼎嘗之而出公怒欲

殺子公子公與子家謀先夏弒靈公鄭人欲立靈公弟

去疾去疾讓曰必以賢則去疾不肖必以順則公子堅

長堅者靈公庶弟徐廣曰年表云靈公庶弟去疾之兄也於是乃立

子堅是為襄公襄公立將盡去繆氏繆氏者殺靈公子

公之族家也去疾曰必去繆氏我將去之乃止皆以為

大夫襄公元年楚怒鄭受宋賂縱華元伐鄭鄭背楚與

晉親五年楚復伐鄭晉來救之六年子家卒國人復逐

其族以其弒靈公也七年鄭與晉盟鄢陵八年楚莊王

以鄭與晉盟來伐圍鄭三月鄭以城降楚楚王入自皇

門鄭襄公肉袒擊羊以迎曰孤不能事邊邑使君王懷  
怒以及弊邑孤之罪也敢不惟命是聽君王遷之江南



及以賜諸侯亦惟命是聽若君王不忘厲宣王桓武公  
哀不忍絕其社稷錫不毛之地使復得改事君王孤之  
願也然非所敢望也敢布腹心惟命是聽莊王爲却三  
十里而後舍楚羣臣曰自郢至此士大夫亦久勞矣今  
得國舍之何如莊王曰所爲伐伐不服也今已服尚何  
求乎卒去晉聞楚之伐鄭發兵救鄭其來持兩端故遲  
比至河楚兵已去晉將率或欲渡或欲還卒渡河莊王  
聞還擊晉鄭反助楚大破晉軍於河上十年晉來伐鄭  
以其反晉而親楚也十一年楚莊王伐宋宋告急于晉  
晉景公欲發兵救宋伯宗諫晉君曰天方開楚未可伐

也乃求壯士得霍人解揚字子虎誑楚令宋毋降過鄭

鄭與楚親乃執解揚而獻楚楚王厚賜與約使反其言

令宋趣降三要乃許於是楚登解揚樓車

服虔曰樓車所以窺望敵

軍兵法所謂雲梯者杜預曰樓車車上望櫓也

令呼宋遂負楚約而致其晉君

命曰晉方悉國兵以救宋宋雖急慎毋降楚晉兵今至

矣楚莊王大怒將殺之解揚曰君能制命爲義臣能承

命爲信受吾君命以出有死無隕

服虔曰隕墜也

莊王曰若之

許我已而背之其信安在解揚曰所以許王欲以成吾

君命也將死顧謂楚軍曰爲人臣毋忘盡忠得死者楚

王諸弟皆諫王赦之於是赦解揚使歸晉爵之爲上卿



十八年襄公卒子悼公潰立

索隱曰劉音祕鄒本一作弗一作弗左傳作費音扶

味悼公元年鄒公

徐廣曰音許許公靈公也

惡鄭於楚悼公使弟踰

於楚自訟

索隱曰踰音公遜反

訟不直楚囚踰於是鄭悼公來與

晉平遂親踰私於楚子反子反言歸踰於鄭二年楚伐

鄭晉兵來救是歲悼公卒立其弟踰是為成公成公三

年楚共王曰鄭成公孤有德焉使人來與盟成公私與

盟秋成公朝晉晉曰鄭私平於楚執之使欒書伐鄭四

年春鄭患晉圍公子如乃立成公庶兄繻為君

索隱曰繻音須

鄒氏云一作纏

其四月晉聞鄭立君乃歸成公鄭人聞成公歸

亦殺君繻迎成公晉兵去十年昔晉盟盟於楚晉厲公

怒發兵伐鄭楚共王救鄭晉楚戰鄢陵楚兵敗晉射傷

楚共王目俱罷而去十三年晉悼公伐鄭兵於洧上

度服

曰洧水名○正義曰括地志云洧水在鄭州新鄭縣北

三里古新鄭城南韓詩外傳云鄭俗二月桃花水出時

會於溱洧水上以自祓除鄭城守晉亦去十四年成公

卒子暉立是為釐公

索隱曰暉音紆紛反左傳作髡原

釐公五年鄭相

子駟朝釐公釐公不禮子駟怒使厨人藥殺釐公

徐廣曰年

表云子駟使賊夜殺僖公

赴諸侯曰釐公暴病卒立釐公子嘉嘉時

年五歲是為簡公簡公元年諸公子謀欲誅相子駟子

駟覺之反盡誅諸公子二年晉伐鄭鄭與盟晉去冬又

與楚盟子駟畏誅故兩親晉楚三年相子駟欲自立為



君公子子孔使尉止殺相子駟而代之子孔又欲自立  
子產曰子駟為不可誅之今又效之是亂無時息也於  
是子孔從之而相鄭簡公四年晉怒鄭與楚盟伐鄭鄭  
與盟楚共王救鄭敗晉兵簡公欲與晉平楚又囚鄭使  
者十二年簡公怒相子孔專國權誅之而以子產為卿  
十九年簡公如晉請衛君還而封子產以六邑服虔曰四井為  
邑子產讓受其二邑二十二年吳使延陵季子於鄭見  
子產如舊交謂子產曰鄭之執政者侈難將至政將及  
子子為政必以禮不然鄭將敗子產厚遇季子二十三  
年諸公子爭寵相殺又欲殺子產公子或諫曰子產仁

人鄭所以存者子產也勿殺乃止二十五年鄭使子產

於晉問平公疾平公曰卜而曰實沉臺駘為祟史官莫

知敢問對曰高辛氏有二子長曰閼伯季曰實沉居曠

林賈逵曰曠大也不相能也日操干戈以相征伐后帝弗臧賈逵

曰后帝堯也臧善也遷閼伯于商丘主辰賈逵曰商丘在漳南杜預曰商丘宋地服虔曰

辰大火也商人是因故辰為商星服虔曰商人契之先湯之始祖相土封閼伯之

故地因其故遷實沉于大夏主參服虔曰大夏在汾澮之

國而代之曰大夏今晉陽縣唐人是因服事夏商賈逵曰唐人謂陶唐之胤劉累事夏孔甲封於

大夏因實沉之國子孫服事夏商也其季世曰唐叔虞杜預曰唐人之季世其君曰叔虞

當武王邑姜方娠大叔夢帝謂已賈逵曰帝天也余命而



子曰虞

杜預曰取唐君之名

乃與之唐屬之參而蕃育其子孫及

生有文在其掌曰虞遂以命之及成王滅唐而國大叔

為故參為晉星

賈逵曰晉主祀參參為晉星

由是觀之則實沉參神

也昔金天氏有稟子曰昧為玄冥師

服虔曰金天少暉也玄冥水官也師

長昧為水官之長

生允格臺駘

服虔曰允格臺駘兄弟也

臺駘能業其官

服

日脩昧之職

宣汾洮

賈逵曰宣猶通也汾洮二水名

障大澤

服虔曰陂障其水也

以處

太原

服虔曰太原汾水名杜預曰太原晉湯也臺駘之所居者

帝用嘉之國之汾川

服虔曰帝顓頊也

沈姒蓐黃實守其祀

賈逵曰四國臺駘之後也

今晉主汾

川而滅之

賈逵曰滅四國

由是觀之則臺駘汾洮神也然是二

者不害君身山川之神則水旱之菑榮之

服虔曰榮為榮攢用幣也

若有旱則榮祭山川之神以祈福也

日月星辰之神則雪霜風雨不時榮之

若君疾飲食哀樂女色所生也平公及叔嚮曰善博物君

子也厚為之禮於子產二十七年夏鄭簡公朝晉冬畏楚

靈王之彊又朝楚子產從二十八年鄭君病使子產會諸

侯與楚靈王盟於申誅齊慶封二十六年簡公卒子定

公寧立秋定公朝晉昭公元年楚公子棄疾弒其

君靈王而自立為平王欲行德諸侯歸靈王所侵鄭地

于鄭四年晉昭公卒其六卿彊公室甲子子產謂韓宣子

曰為政必以德母忘所以立六年鄭火公欲讓之子產

曰不如脩德八年楚太子建來奔十年太子建與晉謀



襲鄭鄭殺建建子勝奔吳十一年定公如晉晉與鄭謀

誅周亂臣入敬王于周索隱曰王避弟子朝之亂出居狄泉在昭二十三年至二十六年

年晉鄭入之經曰天王入于成周是也十三年定公卒子獻公薑立獻公

十三年卒子聲公勝立當是時晉六卿疆侵奪鄭鄭遂

弱聲公五年鄭相子產卒正義曰括地志云子產墓在新鄭縣西南三十五里鄆元

注水經云子產墓在涇水上累石為方墳墳東北向鄭城杜預曰言不忘本也鄭人皆哭泣悲

之如亡親戚子產者鄭成公少子也為人仁愛人事君

忠厚孔子嘗過鄭與子產如兄弟云及聞子產死孔子

為泣曰古之遺愛也兄事子產八年晉范中行氏及晉

吉急於鄭鄭救之晉伐鄭敗鄭軍於鐵杜預曰戚城南鐵丘○正義曰

括地志云鐵州在滑州衛南縣東南十五里十四年宋景公滅曹二十年齊

田常弒其君簡公而常相於齊二十二年楚惠王滅陳

孔子卒二十六年晉知伯伐鄭取九邑三十七年聲公

卒子哀公易立年表云三十八年哀公八年鄭人弒哀公而立

聲公弟丑是為共公共公三年晉滅知伯三十年共公

卒子幽公已立幽公元年韓武子伐鄭殺幽公鄭人立

幽公弟駘是為繻公年表曰鄭立幽公繻公十五年韓

景侯伐鄭取雍丘鄭城京十六年鄭伐韓敗韓兵於負

黍徐廣曰在陽城○正義曰括地志云負黍亭在洛州陽城縣西南二十五里故國邑也二十年

韓趙魏列為諸侯二十三年鄭圍韓之陽翟二十五年

萬曆二十六年刊



鄭君殺其相子陽二十七年子陽之黨共弑繻公驥而

立幽公弟乙為君是為鄭君徐廣曰一本云立幽公弟乙陽為君是為康公六國

年表云立幽公子駘又以鄭君陽為鄭鄭君乙立二年

康公乙班固云鄭康公乙為韓所滅鄭君乙立二年

鄭負黍反復歸韓十一年韓伯取陽城二十一年韓

哀侯滅鄭并其國

太史公曰語有之以權利合者權利盡而交踈甫瑕是

也甫瑕雖以劫殺鄭子內厲公厲公終背而殺之此與

晉之里克何異守節如荀息身死而不能存奚齊變所

從來亦多故矣

厲王之子

得封於鄭

代職司徒

緇衣在詠

號鄆獻

祭足專命

莊既犯王

厲亦奔命

居櫟克入

夢蘭疏慶

伯服生囚

叔瞻尸聘

釐簡之後

公室不競

負黍雖還

韓哀日盛



史記卷四十二終

史記卷四十三

趙世家第十三

漢

太史令

龍門

司馬遷

撰

宋

中郎外兵參軍

河東裴

駟集解

唐

國子博士弘文學士一河內司馬貞索隱

唐諸王侍讀率府長史張守節正義

皇明朝列大夫國子監祭酒臣劉應秋

勅重較刊

皇明朝列大夫國子監祭酒臣吳士元

承德郎司業仍加俸一級臣黃錦等奉

旨重修

趙氏之先與秦共祖至中衍為帝大戊御正義曰其後

世蜚廉有子二人而命其一子曰惡來事紂為周所殺

其後為秦惡來弟曰季勝其後為趙季勝生孟增孟增

幸於周成王是為宅皐狼徐廣曰或云皐狼地名在西



志臯狼是西河郡之縣名蓋孟增幸於周成王成王居之於臯狼 臯狼生衡父衡父生造父造父幸於周繆王故云臯狼

造父取驥之乘匹 正義曰乘食證反並四曰乘兩與桃

林 正義曰括地志云桃林在陝州桃林縣西至潼關皆為桃林塞地山海經云夸父之山北有林焉名曰桃

林廣闊三百里中多馬造父於此盜驪騊騾綠耳獻之得驪騊騾耳之乘獻周穆王也

繆王繆王使造父御西巡狩見西王母樂之忘歸 索隱曰穆

天子傳曰穆王與西王母觴於瑤池之上作歌是樂而忘歸也而譙周不信此事而云余常聞之代俗以東西

陰陽所出入宗其神謂之王父而徐偃王反 正義曰括地志云大

徐城在泗州徐城縣北三十里古之徐國也博物志云徐君宮人娠生外以為不祥棄於水濱孤獨母有犬名

鶻倉銜所棄外以歸覆煖之遂成小兒生偃王故宮人聞之更收養之及長襲為徐君後鶻倉臨死生角而九

尾實黃龍也鶻倉或名后倉 繆王日馳千里馬攻徐偃王大破之 索隱

曰譙周曰徐偃王與楚文王同時去周穆王遠矣且王者行有周衛豈聞亂而獨長馳日行千里乎並言此事

非實也乃賜造父以趙城 正義曰晉州趙城縣即造父邑也 由此為趙氏

自造父已下六世至奄父曰公仲周宣王時代伐戎為御

及千畝戰 正義曰括地志云千畝原在晉州岳陽縣北九十里也 奄父脫宣王奄

父生叔帶叔帶之時周幽王無道去周如晉事晉文侯

始建趙氏于晉國自叔帶以下趙宗益興五世而生趙

夙趙夙晉獻公之十六年伐霍魏耿而趙夙為將伐霍

霍公求奔齊 徐廣曰求一作來 晉大旱卜之曰霍太山為祟使

趙夙召霍君於齊復之以奉霍太山之祀晉復獲晉獻



公賜趙夙耿索隱曰今河東皮氏縣耿鄉夙生共孟當魯閔公之元

年也共孟生趙衰字子餘索隱曰系本云公明生共孟及趙夙夙生成季衰衰生宣

孟盾左傳云衰趙夙弟而此云共孟生衰燕周亦以此為誤趙衰卜事晉獻公及諸

公子莫吉卜事公子重耳吉即事重耳重耳以驪姬之

亂亡奔翟趙衰從翟伐唐咎如得二女翟以其少女妻

重耳長女妻趙衰而生盾初重耳在晉時趙衰妻亦生

趙同趙括趙嬰齊趙衰從重耳出亡凡十九年得反國

重耳為晉文公趙衰為原大夫居原任國政索隱曰系本云成季

徙原宋忠云今鴈門平原縣也。正義曰括地志云原平故城漢原平縣也在代州崞縣南三十五里崞音郭

按宋忠說非也括地志云故原城在懷州濟源縣西北二里左傳云襄王以原賜晉文公原不服文公伐原以

示信原降以趙衰為原大夫即此也原本周畿內邑也文公所以反國及霸多趙

衰計策語在晉事中趙衰既反晉晉之妻固要迎翟妻

而以其子盾為適嗣晉妻三子皆下事之晉襄公之六

年而趙衰卒諡為成季趙盾代成季任國政二年而晉

襄公卒太子夷臯年少盾為國多難欲立襄公弟雍雍

時在秦使使迎之太子母日夜啼泣索隱曰穆嬴也頓首謂趙

盾曰先君何罪釋其適子而更求君趙盾患之恐其宗

與大夫襲誅之廼遂立太子是為靈公發兵距所迎襄

公弟於秦者靈公既立趙盾益專國政靈公立十四年

益驕趙盾驟諫靈公弗聽及食熊蹯膈不熟殺宰人持



其尸出趙盾見之靈公由此懼欲殺盾盾素仁愛人嘗  
所食桑下餓人反扞救盾盾以得亡未出境而趙穿弑  
靈公而立襄公弟黑臀是爲成公趙盾復反任國政君  
子譏盾爲正卿亡不出境反不討賊故太史書曰趙盾  
弑其君晉景公時索隱曰成公之子名據而趙盾卒諡爲宣孟子  
朔嗣趙朔晉景公之三年朔爲晉將下軍救鄭與楚莊  
王戰河上朔娶晉成公姊爲夫人晉景公之三年大夫  
屠岸賈欲誅趙氏徐廣曰按年表救鄭初趙盾在時夢及誅滅皆景公三年  
見叔帶持要而哭甚悲已而笑拊手且歌盾卜之兆絕  
而後好趙史援占之曰此夢甚惡非君之身乃君之子

然亦君之咎至孫趙將世益衰屠岸賈者始有寵於靈  
公及至於景公而賈爲司寇將作難乃治靈公之賊以  
致趙盾徧告諸將曰盾雖不知猶爲賊首以臣弑君子  
孫在朝何以懲辜請誅之韓厥曰靈公遇賊趙盾在外  
吾先君以爲無罪故不誅今諸君將誅其後是非先君  
之意而今妄誅妄誅謂之亂臣有大事而君不聞是無  
君也屠岸賈不聽韓厥告趙朔趣亡朔不肯曰子必不  
絕趙祀朔死不恨韓厥許諾稱疾不出賈不請而擅與  
諸將攻趙氏於下宮殺趙朔趙同趙括趙嬰齊皆滅其  
族趙朔妻成公姊有遺腹走公宮匿趙朔客曰公孫杵



白杵白謂朔友人程嬰曰胡不死程嬰曰朔之婦有遺腹若幸而男吾奉之卽女也吾徐死耳居無何而朔婦免身生男屠岸賈聞之索於宮中夫人置兒絝中祝曰趙宗滅乎若號卽不滅若無聲及索兒竟無聲已脫程嬰謂公孫杵臼曰今一索不得後必且復索之奈何公孫杵臼曰立孤與死孰難程嬰曰死易立孤難耳公孫杵臼曰趙氏先君遇子厚子彊爲其難者吾爲其易者請先死乃二人謀取他人嬰兒負之衣以文葆

徐廣曰小兒被

葆

曰匿山中程嬰出謬謂諸將軍曰嬰不肖不能立趙孤

誰能與我千金吾告趙氏孤處諸將皆喜許之發師隨

程嬰攻公孫杵臼杵臼謬曰小人哉程嬰昔下宮之難不能死與我謀匿趙氏孤兒今又賣我縱不能立而忍賣之乎抱兒呼曰天乎天乎趙氏孤兒何罪請活之獨殺杵臼可也諸將不許遂殺杵臼與孤兒諸將以爲趙氏孤兒良已死皆喜然趙氏真孤乃反在程嬰卒與俱匿山中居十五年晉景公疾卜之大業之後不遂者爲崇景公問韓厥厥知趙孤在乃曰大業之後在晉絕祀者其趙氏乎夫自中衍者皆嬴姓也中衍人面鳥喙降佐殷帝大戊及周天子皆有明德下及幽厲無道而叔帶去周適晉事先君文侯至于成公世有立功未嘗絕



祀今吾君獨滅趙宗國人哀之故見龜策唯君圖之景  
公問趙尚有後子孫乎韓厥具以實告於是景公乃與  
韓厥謀立趙孤兒召而匿之宮中諸將入問疾景公因  
已乃曰昔下宮之難屠岸賈爲之矯以君命并命羣臣  
非然孰敢作難微君之疾羣臣固且請立趙後今君有  
命羣臣之願也於是召趙武程嬰徧拜諸將遂反與程  
嬰趙武攻屠岸賈滅其族復與趙武田邑如故  
徐廣曰推次晉復與趙武田邑是景公之十七年也而乃是春秋成公八年經書晉殺其大夫趙同趙括左傳於此說立趙武  
及趙武冠爲成人程嬰乃辭諸大夫謂

趙武曰昔下宮之難皆能死我非不能死我思立趙氏  
之後今趙武既立爲成人復故位我將下報趙宣孟與  
公孫杵臼趙武啼泣頓首固請曰武願苦筋骨以報子  
至死而子忍去我死乎程嬰曰不可彼以我爲能成事  
故先我死今我不報是以我事爲不成遂自殺趙武服

齊衰三年爲之祭邑春秋祠之世世勿絕  
新序曰程嬰公孫杵臼可

謂信友厚士矣嬰之自殺下報亦過矣  
正義曰今河東趙氏祠先人猶別寄一座祭二士矣趙氏復

位十一年而晉厲公殺其大夫三卻欒書畏及乃遂殺

其君厲公更立襄公會孫周  
徐廣曰年表云襄公孫也索隱曰晉系家云襄公少

子名是爲悼公晉由此大夫稍彊趙武續趙宗二十七



年晉平公立平公十二年而趙武為正卿十三年吳延陵季子使於晉曰晉國之政卒歸於趙武子韓宣子魏

獻子之後矣趙武死諡為文子文子生景叔索隱曰系本云景叔

名景叔之時齊景公使晏嬰於晉徐廣曰平公之十九年晏嬰與

晉叔向語嬰曰齊之政後卒歸田氏叔向亦曰晉國之

政將歸六卿六卿侈矣而吾君不能恤也趙景叔卒生

趙鞅是為簡子趙簡子在位晉頃公之九年簡子將合

諸侯戍于周其明年入周敬王于周辟弟子朝之故也

晉頃公之十二年六卿以法誅公族祁氏羊舌氏分其

邑為十縣六卿各令其族為之大夫晉公室由此益弱

後十三年魯賊臣陽虎來奔趙簡子受賂厚遇之趙簡

子疾五日不知人大夫皆懼醫扁鵲視之出董安于問

韋昭曰安于簡子家臣扁鵲曰血脉治也而何怪在昔秦繆公嘗

如此七日而寤寤之日告公孫支與子輿索隱曰二子秦大夫公孫

支子曰我之帝所甚樂吾所以久者適有學也帝告我

晉國將大亂五世不安其後將霸未老而死霸者之子

且命而國男女無別公孫支書而藏之索隱曰藏一作藉藉錄也謂當

時即記錄書之於藉也秦讖於是出矣獻公之亂文公之霸而襄

公敗秦師於殽而歸縱淫此子之所聞今主君之疾與

之同不出三日疾必間間必有言也居二日半簡子寤



語大夫曰我之帝所甚樂與百神游於鈞天廣樂九奏

萬舞不類三代之樂其聲動人心有一熊欲來援我帝

命我射之中熊熊死又有一羆來我又射之中羆羆死

帝甚喜賜我二笥皆有副吾見兒在帝側帝屬我一翟

犬曰及而子之壯也以賜之帝告我晉國且世衰七世

而亡正義曰謂晉定公出公哀公幽公烈公孝公靜公

子疾在定公十一年羸姓將大敗周人於范魁之西正義曰羸趙

衛也晉亡之後趙成侯三年衛取都鄙七十三是也賈逵云川阜曰魁也而亦不能有也索隱

曰范魁地名不知所在蓋趙地也今余思虞舜之勳適余將以其胄女

孟姚配而七世之孫索隱曰即姓羸吳廣之女姚董安

于受言而書藏之以扁鵲言告簡子簡子賜扁鵲田四

萬畝他日簡子出有人當道辟之不去從者怒將刃之

當道者曰吾欲有謁於主君從者以聞簡子召之曰喜

吾有所見子晰也索隱曰簡子見當道者乃寤曰喜是

當道者曰屏左右願有謁簡子屏人當道者曰主君之

疾臣在帝側簡子曰然有之子之見我我何為當道者

曰帝命主君射熊與羆皆死簡子曰是且何也當道者

曰晉國且有難主君首之帝命主君滅二卿夫熊與

羆皆其祖也正義曰范氏中行氏之祖也簡子曰帝賜我二笥皆有

副何也正義曰副謂皆子姓也當道者曰主君之子將克二國於



翟皆子姓也

正義曰謂代及智氏也

簡子曰吾見兒在帝側帝屬

我一翟犬曰及而子之長以賜之夫兒何謂以賜翟犬

當道者曰兒主君之子也翟犬者代之先也主君之子

且必有代及主君之後嗣且有革政而胡服

正義曰謂今時服也

廢除裘裳也

并二國於翟簡子問其姓而延之以官當道者

曰臣野人致帝命耳遂不見簡子書藏之府異日婚布

子卿見簡子

司馬彪曰姑布姓子卿字

簡子徧召諸子相之子卿曰

無為將軍者簡子曰趙氏其滅乎子卿曰吾嘗見一子

於路殆君之子也簡子召子母卹母卹至則子卿起曰

此真將軍矣簡子曰此其母賤翟婢也奚道貴哉子卿

曰天所授雖賤必貴自是之後簡子盡召諸子與譖母

卹最賢簡子乃告諸子曰吾藏寶符於常山上先得者

賞諸子馳之常山上求無所得母卹還曰已得符矣節

子曰奏之母卹曰從常山上臨代代可取也

正義曰地道記云恒

山在上曲陽縣西北百四十里北行四百五十里得恒山岵號飛狐口北則代郡也

簡子於是知

母卹果賢乃廢太子伯魯而以母卹為太子後二年晉

定公之十四年范中行作亂明年春簡子謂邯鄲大夫

子曰歸我衛士五百家吾將置之晉陽

服虔曰往年趙鞅圍衛衛人恐

懼故貢五百家鞅置之邯鄲又欲更徙於晉陽

午許諾歸而其父兄不聽倍言

趙鞅捕午囚之晉陽乃告邯鄲人曰我私有誅午也諸



君欲誰立

杜預曰午趙鞅同族別封邯鄲故使邯鄲人更立午宗親也

遂殺午趙稷

涉賓以邯鄲反

服虔曰稷午子

晉君使籍秦圍邯鄲

左傳曰籍秦此時為

上軍司馬○索隱曰系本籍秦

荀寅范吉射與午善

左傳

曰午荀寅之甥荀寅范吉射之姻○索隱曰系本云晉大夫逝邀生桓伯林父林父生宣伯與與生獻伯偃偃

生穆伯吳吳生寅本姓荀自荀偃將中軍晉改中軍曰中行因氏焉元與智氏同祖逝邀故智氏亦稱荀范氏

晉大夫隰叔之子士蒍之後蒍生成伯缺缺生武子會會生文叔燮燮生宣叔宣叔生獻子鞅鞅生吉射也

不肯助秦而謀作亂董安于知之十月范中行氏

正義曰按

會食邑於范因為范氏又入中行寅本姓荀自荀偃將中軍為中行因號中行氏二九與智氏因承襲逝邀姓荀氏

伐趙鞅鞅奔晉陽晉人圍之范吉射荀寅仇人魏襄等

謀逐荀寅以梁嬰父代之

賈逵曰梁嬰父晉大夫也

逐吉射以范臯

釋代之

服虔曰范氏之側室子

荀躒言於晉侯曰

服虔曰荀躒智文子○索隱曰

系本云逝邀生莊子首首口生武子瑩瑩生莊子朔朔生悼子盈盈生文子欒欒生宣子申申生智伯瑤君

命大臣始亂者死今三匹始亂

賈逵曰范中行趙也

而獨逐鞅用

刑不均請皆逐之十一日荀躒韓不佞魏哆奉公命以

伐范中行氏

索隱曰不佞韓簡子哆魏簡子系木一名取也

不克范中行氏反

伐公公擊之范中行敗走丁未二子奔朝歌

索隱曰范吉射荀寅

也韓魏以趙氏為請

服虔曰以其罪輕於荀范也○正義曰按趙鞅被范中行伐乃奔晉

陽以其罪輕故韓魏為請晉君而得入絳

十一月辛未趙鞅入絳盟于公宮

其明年知伯文子謂趙鞅曰范中行雖信為亂安于發

之是安于與謀也晉國有法始亂者死夫二子已伏罪



而安于獨在趙鞅患之安于曰臣死趙氏定晉國寧吾死晚矣遂自殺趙氏以告知伯然後趙氏寧孔子聞趙簡子不請晉君而執邯鄲午保晉陽故書春秋曰趙鞅以晉陽畔趙簡子有臣曰周舍好直諫周舍死簡子每聽朝常不悅大夫請臯簡子曰大夫無罪吾聞千羊之皮不如一狐之腋諸大夫朝徒聞唯唯不聞周舍之鄂鄂是以憂也韓詩外傳曰周舍立於門下三日三夜簡子使問之曰子欲見寡人何事對曰願為鄂鄂之臣墨筆操牘從君之過而日有記月有成歲有效也簡子由此能附趙邑而

懷晉人晉定公十八年趙簡子圍范中行于朝歌中行

文子奔邯鄲索隱曰荀寅也明年衛靈公卒簡子與陽虎送衛

太子蒯聵于衛衛不內居戚正義曰括地志云故戚城在相州澶水縣東三十里

村頽云戚衛邑在頓晉定公二十一年簡子拔邯鄲中

行文子奔栢人簡子又圍栢人中行文子范昭子遂奔

齊索隱曰趙射也趙竟有邯鄲栢人范中行餘邑入于晉趙名

晉卿實專晉權奉邑侔於諸侯晉定公三十年定公與

吳王夫差爭長於黃池趙簡子從晉定公卒長吳定公

三十七年卒而簡子除三年之喪期而已是歲越王勾

踐滅吳晉出公十一年知伯伐鄭趙簡子疾使太子毋

卹將而圍鄭知伯醉以酒灌擊毋卹毋卹羣臣請死之

毋卹曰君所以置毋卹為能忍詢然亦慍知伯知伯歸



因謂簡子使廢母卹簡子不聽母卹由此忽知伯音出

公十七年簡子卒張華曰趙簡子冢在臨水界太子母卹代立是為

襄子趙襄子元年越圍吳正義曰年表及趙世家云左傳越滅吳在簡子三十五年

已在襄子元年前十五年矣何得更有越圍吳之事襄從此以下至問吳王是三十年事文說誤在此耳

子降喪食使楚隆問吳王正義曰左哀公二十年傳云簡子死襄子嗣立以越圍吳

故降父之祭饌而使楚隆慰問王為哀公十三年簡子在黃池之役與吳王質言曰好惡同之故滅祭饌及問

吳王也而趙世家及六國年表云此年晉定公卒簡子除三年之喪服暮而已按簡子死及使吳年月皆誤與

左傳文襄子姊前為代王夫人簡子既葬未除服北登

屋徐廣曰山在廣武○正義曰括地志云夏屋山一名賈屋山今名賈毋山在代州鴈門東北三十

里夏屋與句注山相接蓋北方之請代王使厨人操

銅料正義曰音斗合作料其形方有柄取斟水器說文云鈞也以食代王及從者行

斟陰令宰人各徐廣曰一作維以料擊殺代王及從官遂興兵

平代地其姊聞之泣而呼天摩笄自殺代人憐之所死

地名之為摩笄之山正義曰笄今簪也括地志云摩笄山一名磨笄山亦名為山在蔚州

飛狐縣東北百五十里魏土地記云代郡東南二十五

里有馬頭山趙襄子既殺代王使人迎其姊代王夫人

曰以弟慢夫非仁也以夫怨弟非義途以代封伯魯子

周為代成君伯魯者襄子兄故太子太子蚤死故封其

子襄子立四年知伯與趙韓魏盡分其范中行故地晉

出公怒告齊魯欲以伐四卿四卿恐遂共攻出公出公奔齊道死知伯乃立昭公會孫驕是為晉懿公索隱曰或作哀



公其大父名雍即昭公少子號戴子也知伯益驕請地韓魏韓魏與之請

地趙趙不與以其圍鄭之辱知伯怒遂率韓魏攻趙趙

襄子懼乃奔保晉陽原過從後至於王澤正義曰括地志云王澤在

絳州正平縣南七里也見三人自帶以上可見自帶以下不可見

與原過竹二節莫通曰為我以是遺趙母卹原過既至

以告襄子襄子齊三日親自剖竹有朱書曰趙母卹余

霍泰山徐廣曰在河東永安縣山陽侯天使也三月丙戌余將使

女反滅知氏女亦立我百邑余將賜女林胡之地至于

後世且有仇王亦黑龍面而烏喙鬚麋髭顛大膺大脣

脩下而馮左袵界乘徐廣曰脩或作隨界一作介奄有河宗正義曰

傳云河宗之子孫別栢絮按蓋在龍門河之上流嵐勝二州之地也至于休溷諸貉正義曰音

正音曰河宗休溷諸貉乃戎狄之地也南伐晉別正義曰趙南伐晉之北滅

黑姑正義曰亦戎國襄子再拜受三神之令三國攻晉陽歲餘

引汾水灌其城城不浸者三版正義曰何休云八尺曰版城中懸釜

而炊易子而食羣臣皆有外心禮益慢唯高共徐廣曰一作赫

不敢失禮襄子懼乃夜使相張孟同私於韓魏索隱曰戰國策

作張孟談談者史遷之父名遷例改為同韓魏與合謀以三月丙戌三國反

滅知氏共分其地於是襄子行賞高共為上張孟同日

晉陽之難唯共無功襄子曰方晉陽急羣臣皆懈唯共

不敢失人臣禮是以先之於是趙北有代南并知氏疆



於韓魏遂祠三神於百邑使原過主霍泰山祠祀正義曰

地志云三神祀今名原其後娶空同氏正義曰地志

過祠今在霍山側也州福祿縣東南六十里古西戎地又原州平高縣西百

里亦有崆峒山即黃帝問廣成子道處俱是西戎地未

知孰生五子襄子為伯魯之不立也不肯立子且必欲

傳位與伯魯子代成君成君先死乃取代成君子浣立

為太子索隱曰代成君名周伯魯之子系本云代襄子

立三十三年卒浣立是為獻侯獻侯少即位治中牟地理

志曰河南中牟縣趙獻侯自耿徙此瓚曰中牟在春秋

之時是鄭之疆內也及三卿分晉則在魏之邦七也趙

界自漳水以北不及此春秋傳曰衛侯如晉過中牟按

中牟非衛適晉之次也汲郡古文曰齊師伐趙東鄙圍

中牟此中牟不在趙之東也按中牟當漯水之北○索

隱曰此趙中牟在河北非鄭之中牟○正義曰按五鹿

在魏州元城縣東十二里鄴節相州蕩陽縣

西五十八里有在中山蓋中牟邑在此山側也

襄子弟桓

子逐獻侯自立於代索隱曰系本云襄子一年卒國人

曰桓子立非襄子意乃共殺其子而復迎立獻侯十年

中山武公初立徐廣曰西周桓公之子桓公者孝王弟

而代王子○索隱曰中山古鮮虞國姬也姓十三年城平邑地理志曰代十五年獻侯卒子烈侯

籍立烈侯元年魏文侯伐中山使太子擊守之六年魏

韓趙皆相立為諸侯追尊獻子為獻侯烈侯好音謂相

國公仲連曰寡人有愛可以貴之乎公仲曰富之可貴

之則否烈侯曰然夫鄭歌者槍石二人索隱曰槍音七

羊及槍與石二人吾賜之田人萬畝公仲曰諾不與居一月烈侯從代

名

萬曆二十六年刊



來問歌者田公仲曰求未有可者有頃烈侯復問公仲

終不與乃稱疾不朝番吾君徐廣曰番音盤番音出有番

番吾故城在恒州房山縣東自代來謂公仲曰君實好

善而未知所持今公仲相趙於今四年亦有進士乎公

仲曰未也番吾君曰牛畜荀欣徐越皆可公仲乃進三

人及朝烈侯復問歌者田何如公仲曰方使擇其善者

牛畜侍烈侯以仁義約以王道烈侯道然正義曰道音

同言牛畜以仁義約以王道故明日荀欣侍以選練舉

賢任官使能明日徐越侍以節財儉用察度功德所與

無不充君說烈侯使使謂相國曰歌者之田且止官牛

畜為師荀欣為中尉徐越為內史正義曰漢書百官公

官秦因之賜相國衣二襲單複具九年烈侯卒弟武公

立索隱曰譙周二云系本及說趙武公十三年卒趙復立

烈侯太子章是為敬侯是歲魏文侯卒敬侯元年武公

子朝作亂不克出奔魏趙始都邯鄲二年敗齊于靈丘

地理志曰代三年救魏于廩丘大敗齊人四年魏敗我

兔臺築剛平正義曰兔臺剛以侵衛五年齊魏為衛攻

趙取我剛平六年借兵於楚伐魏取棘蒲正義曰今趙

棘蒲杜預曰陳留外黃縣東有黃城八年拔魏黃城正義曰括地志云故黃城在魏州

冠氏縣南因黃濤為名按九年伐齊齊伐燕趙救燕十



年與中山戰于房子

正義曰趙州房子縣

十一年魏韓趙共滅晉

分其地伐中山又戰於中人

徐廣曰中山唐縣有中人亭

十二年敬

侯卒子成侯種立成侯元年公子勝與成侯爭立為亂

二年六月雨雪三年大戊午為相

徐廣曰戊一作成

伐衛取鄉

邑七十三魏敗我蘭

正義曰地理志云屬西河郡也

四年與秦戰高安

正義曰蓋在河東

敗之五年伐齊于鄆

正義曰濮州鄆城縣

魏敗我懷攻

鄭敗之以與韓韓與我長子

地理志曰上黨有長子縣

六年中山築

長城伐魏敗涿澤

正義曰涿音濁徐廣云長杜有濁澤非也括地志云濁水源出蒲州解縣

東北平地爾時魏都安邑韓趙伐魏豈河南至長杜也解縣濁水近於魏都當是也

圍魏惠王七

年侵齊至長城

正義曰齊長城西頭在齊州平陰縣太山記云太山西北有長城緣河經太山

千餘里瑯琊入海括地志云所侵處在密州南三十里也

與韓攻周八年與韓分周

以為兩

徐廣曰顯王二年周紀無此○正義曰括地志云史記周顯王二年西周惠公封少子子班於

鞏為東周其子武公為秦所滅郭緣生述征記云鞏縣本周鞏伯邑

九年與齊戰阿下

日戰一作會也○正義曰阿東阿也今濟州東阿縣也

十年攻衛取甄十一年秦

攻魏趙救之石阿

正義曰蓋在石阿縣等州界也

十二年秦攻魏少梁

正義曰少梁故城在同州韓城縣南二十二里古少梁國也

趙救之十三年秦獻公

使庶長國伐魏少梁虜其太子痤魏敗我澮取皮牢

徐廣曰

日魏年表曰取趙皮牢○正義曰括地志云澮水縣在絳州翼城縣東南二十五里按皮牢當在澮之側

侯與韓昭侯遇上黨十四年與韓攻秦十五年助魏攻

齊十六年與韓魏分晉封晉君以端氏

徐廣曰在平陽正義曰端氏澤



州縣也 十七年成侯與魏惠王遇葛孽 徐廣曰在馬丘年表曰十八年趙孟

如齊 十九年與齊宋會平陸 正義曰兗州縣也平陸城即古厥國也 與燕會

阿 正義曰括地志云故葛城一名依城又名西阿城在瀛州高陽縣西北五十里以徐充二水並過其西又

徂經其北曲曰阿以齊有東阿故曰西阿城地 二十年

魏獻榮椽因以為檀臺 徐廣曰襄國縣有檀臺○索隱曰劉氏云榮椽蓋地名其中有

高處可以為臺非也按榮椽是良材可為椽登飾有光榮所以魏獻之故趙因用之以為檀臺○正義曰鄭玄

云榮屋翼也說文云椽椽也屋椽之兩頭起者 二十一

為榮也括地志云檀臺在洛州臨洛縣北二里 二十一

年魏圍我邯鄲二十二年魏惠王拔我邯鄲齊亦敗魏

於桂陵 正義曰括地志云故桂城在曹州乘縣東北二十一里故老云此即桂陵也 二十四

年魏歸我邯鄲與魏盟漳水上秦攻我蘭二十五年成

侯卒公子緜 音薛 與太子肅侯爭立 索隱曰系本緜敗亡

奔韓肅侯元年奪晉君端氏徙處屯留 正義曰括地志云屯留故城在

潞州長子縣東北三十二里本漢屯留縣城也 二年與魏惠王遇於陰晉 正義曰地

理志云華陰縣魏之陰晉秦惠文王更名寧秦高帝更名華陰今屬華州 三年公子范襲邯

鄲不勝而死四年朝天子六年攻齊拔高唐七年公子

刻攻魏首垣 正義曰蓋在河北也 十一年秦孝公使商君伐魏虜

其將公子卬趙伐魏十二年秦孝公卒商君死十五年

起壽陵 徐廣云在常州 魏惠王卒十六年肅侯游大陵 徐廣曰大陵縣亦曰陸○正義曰括地志云大陵出於鹿門 正義曰并州孟縣西有白鹿泓魏出自鹿山南海蓋鹿門在北山水之側也 大戊午扣馬 呂忱曰扣



牽馬曰耕事方急一日不作百日不食肅侯下車謝十七

年圍魏黃不克地理志曰山陽有黃縣○正義曰黃城在魏州前拔之却為魏今趙圍之矣

築長城正義曰劉伯莊云蓋從雲中以北至代按趙長城從蔚州北西至嵐州北盡趙界又疑此長城在潭水之北趙南界

十八年齊魏伐我我決河水灌之兵去二十

二年張儀相秦趙疵與秦戰敗秦殺疵河西取伐蘭離

石二十三年韓舉徐廣曰韓將與齊魏戰死于桑丘地理志云泰山

有桑丘縣○正義曰括地志云桑丘城在易州遂城縣界或云在泰山井也此特齊伐燕桑丘三晉皆來救之不得在泰山有桑丘縣此說甚誤也

二十四年肅侯卒秦楚燕齊魏出銳

師各萬人來會葬于武靈王立索隱曰武靈王元年陽

文君趙豹相梁襄王與太子嗣韓宣王與太子倉來朝

信宮正義曰在洛州臨洛縣也武靈王少未能聽政博聞師三人左

右司過三人及聽政先問先王貴臣肥義加其秩國三

老年八十月致其禮三年城鄣四年與韓會于區鼠正義

曰蓋在河北五年娶韓女為夫人八年韓擊秦不勝而去五

國相王趙獨否曰無其實敢處其名乎令國人謂已曰

君九年與韓魏共擊秦秦敗我斬首八萬級齊敗我觀

澤正義曰括地志云觀澤故城在魏州頓江縣東十八里也十年秦取我西都及中

陽徐廣曰年表云秦取中都西陽安邑十一年秦敗我將軍英太原有中都縣西河有中陽縣齊破

燕燕相子之為君君反為臣十一年王召公子職於韓

立以為燕王徐廣曰紀年亦云爾使樂池送之燕世家子之死後燕人共立太子平

萬曆二十六年刊



是為燕昭王無趙送公子職為燕王之事當是趙聞燕  
亂遙立職為燕王雖使樂池送之竟不能就。索隱曰  
燕系家無其事蓋是疎也今此云使樂池送之必是憑  
舊史為說且紀年之書其說又同則裴駟之解得其旨

十三年秦拔我蘭虜將軍趙莊正義曰本一作楚魏王

來過邯鄲十四年趙何攻魏十六年秦惠王卒王遊大

陵他日王夢見處女鼓琴而歌詩曰美人熒熒兮顏若

苕之榮綦毋邃曰陵苕之草其華紫。正義曰苕音條

毛詩疏云苕饒也幽州謂之翹饒蔓似瑩豆而命乎命乎曾無我羸綦母

細葉似蒺藜而青其華細綠按命名也羸姓羸也言世眾名其美好會無我好羸也

重言名呼者以談說眾也異日王飲酒樂數言所夢想見其狀吳廣

聞之因夫人而內其女姓羸方言曰姓美也孟姚也徐

曰古史考云內其女曰姓。索隱曰孟姚吳廣女舜之

後故上文云余思虞舜之勳故命其胄女孟姚以配而

七代之孫是也然後封虞在河東太陽山西有上虞城

是亦曰吳城虞吳音相近故舜後亦姓吳非獨太伯虞

仲之孟姚甚有寵於王是為惠后十七年王出九門徐

曰在常山。正義曰本戰國時趙邑戰國為野臺徐廣

策云本有宮室而居趙武靈王改為九門以望齊中山之境曰野

一作望。正義曰括地志云野臺一十八年秦武王與孟說舉龍文赤鼎絕臙而死徐廣曰

丁反趙王使代相趙固迎公子稷於燕送歸立為秦

王是為昭王十九年春正月大朝信官召肥義與議天

下五日而畢王北略中山之地至於房子正義曰趙遂

之代北至無窮西至河登黃華之上正義曰黃華蓋西

河側之山名也

萬曆二十六年刊



召樓緩謀曰我先王因世之變以長南藩之地屬阻障

盜之險立長城又取蘭郭狼敗林人正義曰即於荏而

功未遂今中山在我腹心北有燕正義曰地理志云趙

又得郡之高陽鄴州鄉東有清河之間又得勃東有胡

海郡東平舒等七縣在河以北故言北有燕正義曰趙東有胡

正義曰趙東有瀛州之東北營州之境即東胡西有林

鳥丸之地服虔云東胡鳥丸之先後為鮮卑也胡樓煩秦韓之邊

胡樓煩秦韓之邊正義曰林胡樓煩即嵐勝之北也嵐

邊也秦隔河也晉洛潞澤等州而無疆兵之救是亡社

皆七國時韓地為並趙西境也稷而何夫有高世之名必有遺俗之累吾欲胡服樓緩

曰善羣臣皆不欲於是肥義侍王曰簡襄主之烈計胡

翟之利為人臣者寵有孝悌長幼順明之節通有補民

益主之業正義曰寵貴寵也通達理也凡為人臣有孝

主之功業者此兩者臣之分也今吾欲繼襄王之跡開

於胡翟之鄉而卒世不見也正義曰卒子律反盡也言

忠臣為敵弱正義曰我為胡服用力少而功多可以毋

盡百姓之勞而序往古之勳謂趙簡子襄子也夫有

高世之功者負遺俗之累正義曰負留也言古周公孔

胡服是負留風有獨智之慮者任驚民之怨正義曰言

俗之譏累也今吾將胡服騎射以教百姓而世

智之思慮者必任隱必議寡人奈何肥義曰臣聞疑事無功疑行無名王既

定負遺俗之慮殆無顧天下之議矣夫論至德者不和



於俗成大功者不謀於衆昔者舜舞有苗禹袒裸國非以養欲而樂志也務以論德而約功也愚者聞成事智者視未形則王何疑焉王曰吾不疑胡服也吾恐天下笑我也狂夫之樂智者哀焉愚者所笑賢者察焉世有順我者胡服之功未可知也雖驅世以笑我胡地中山吾必有之於是遂胡服矣使王繅告公子成曰寡人胡服將以朝也亦欲叔服之家聽於親而國聽於君古今之公行也子不反親臣不逆君兄弟之通義也徐廣曰兄弟一也夷平也今寡人作教易服而叔不服吾恐天下議之也制國有常利民爲本從政有經令行爲上明德先

言於賤而行政先信於貴今胡服之意非以養欲而樂

志也事有所止而功有所出正義曰鄭玄云之至也事成功立然

後善也今寡人恐叔之逆從政之經以輔叔之議且寡

人聞之事利國者行無邪因貴戚者名不累故願慕公

叔之義以成胡服之功使繅謁之叔索隱曰請服焉公絕句

子成再拜稽首曰臣固聞王之胡服也臣不佞寢疾未

能趨走以滋進也主命之臣敢對因竭其愚忠曰臣聞

中國者蓋聰明狗智之所居也萬物財用之所聚也賢

聖之所教也仁義之所施也詩書禮樂之所用也異敏

技能之所試也遠方之所觀赴也蠻夷之所義行也今



王舍此而襲遠方之服變古之教易古之道逾人之心而憐學者雖中國故臣願王圖之也使者以報王曰吾固聞叔之疾也我將自往請之王遂往之公子成家因自請之曰夫服者所以便用也禮者所以便事也聖人觀鄉而順宜因事而制禮所以利其民而厚其國也夫翦髮文身錯臂左衽索隱曰錯臂亦文身謂以丹青錯畫其臂孔衍作右臂左衽謂右袒其臂也甌越之民也索隱曰劉氏云今珠崖儋耳謂之甌也言甌越也輿地志云交趾周時為駱越秦時曰西甌文身斷髮避龍則西甌駱又在番吾之西南越及甌駱皆干姓也世本云越芋黑齒雕題劉達曰以草染齒用曰姓也與楚同祖是也却冠秫紬徐廣曰戰國策作秫縫紬亦縫紬其肌以青丹涅之徐廣曰戰國策作秫縫紬亦縫紬之別名也鉢者纂鍼也古字多假

借故作秫紬耳此蓋言其女功鍼縷之麤拙也又一本作鮭冠黎縷也大吳之國也故禮

服莫同其便一也鄉異而用變事異而禮易是以聖人果可以利其國不一其用果可以便其事不同其禮儒者一師而俗異中國同禮而教離況於山谷之便乎故去就之變智者不能一遠近之服賢聖不能同窮鄉多異曲學多辨不知而不疑異於已而不非者公焉而衆求盡善也今叔之所言者俗也吾所言之所以制俗也

吾國東有河薄洛之水徐廣曰安平經縣西有漳水津名薄洛洛津與齊中山

同之正義曰爾時齊與中山相親中山趙共薄無舟楫

之用自常山以至代上黨徐廣曰一云自常山東有燕



東胡之境而西有樓煩秦韓之邊今無騎射之備故寡人無舟楫之用夾水居之民將何以守河薄洛之水變服騎射以備燕三胡秦韓之邊

索隱曰林胡樓煩東胡是三胡也

且昔

者簡主不塞晉陽以及上黨而襄主并戎取代以攘諸胡此愚智所明也先時中山負齊之疆兵侵暴吾地係累吾民引水圍鄣微社稷之神靈則鄣幾於不守也先王醜之而怨未能報也今騎射之備近可以便上黨之形而遠可以報中山之怨而叔順中國之俗以逆簡襄之意惡變服之名以忘鄣事之醜非寡人之所望也公子成再拜稽首曰臣愚不達於王之義敢道世俗之聞

上之學也今王將繼簡襄之意以順先王之志臣敢不

聽命乎再拜稽首乃賜胡服明日服而朝於是始出胡

服令也趙文趙造周裕

徐廣曰戰國策作紹裕音紹

趙俊皆諫止王

母胡服如故法便王曰先王不同俗何古之法帝王不

相襲何禮之循處戲神農教而不誅黃帝堯舜誅而不

怒及至三王隨時制法因事制禮法度制令各順其宜

衣服器械各便其用故禮也不必一道而便國不必古

聖人之興也不相襲而王夏殷之衰也不易禮而滅然

則反古未可非而循禮未足多也且服奇者志淫則是

鄒魯無奇行也

索隱曰按鄒魯好長纓是奇服也服非其志皆淫僻也而有孔門顏冉之屬豈



是無奇俗辟者民易則是吳越無秀士也索隱曰言方

而行也而人皆改易不通大化則是吳越無秀士何得有延州來及大夫種之屬哉且聖人利身謂

之服便事謂之禮夫進退之節衣服之制者所以齊常

民也非所以論賢者也故齊民與俗流賢者與變俱故

諺曰以書御者不盡馬之情以古制今者不達事之變

循法之功不足以高世法古之學不足以制今子不及

也遂胡服招騎射二十年王略中山地至寧葭索隱曰一作葭

葭縣名在中山也西略胡地至榆中正義曰勝州北河北岸也林胡王獻馬

歸使樓緩之秦仇液之韓王賁之楚富丁之魏趙爵之

齊代相趙固主胡致其兵二十一年攻中山趙紹為右

軍許鈞為左軍公子章為中軍王并將之牛翦將車騎

趙希并將胡代趙與之陘徐廣曰一作陸又作陘或宜言趙與之陘陘者山絕之名

常山有井陘中山有苦陘上黨有關與。正義曰與音與陘音荆陘陘山也在并州陘縣東南十八里然趙希

并將代趙之兵與諸軍向井陘之側共出定州上曲陽縣合軍攻取丹丘華陽鳴上之關合軍曲陽

徐廣曰上曲陽在常山下曲陽在鉅鹿。正義曰括地志云上曲陽故城在定州曲陽縣西五里按合軍曲陽

即上曲陽也攻取丹丘正義曰蓋邢華陽正義曰括地志云北

在常山郡也岳有五別名一曰蘭臺府二曰列女宮三曰華陽臺四

曰紫臺五曰太一宮按北岳恒山在定州恒陽縣北百

四十里鳴之塞正義曰上昌之及下先代及徐廣曰鳴一

作鴻上故關今名汝城在定州唐縣東北六十里本晉鴻上關城也又有鴻上水源出唐縣北葛

洪山接北岳恒山與鴻上塞皆在定州然一本作鳴字誤也王軍取鄆石邑徐廣曰在常山。正義曰括地志云石邑故城在恒州鹿泉縣南三十五



里六國封龍正義曰括地志云封龍山一名飛龍山在

東垣中山獻四邑和王許之罷兵二十三年攻中山二

十五年惠后卒索隱曰謂武靈王之后前太子章之母

正室至孝成二年稱惠文后卒是也而下文又云使屠

昭胡服傳王子何二十六年復攻中山攘地北至燕代

西至雲中九原二十七年五月戊申大朝於東宮傳國

立王子何以爲王王廟見禮畢出臨朝大夫悉爲臣肥

義爲相國并傳王是爲惠文王惠文王惠后吳娃子也

武靈王自號爲主父主父欲令子主治國而身胡服將

士大夫西北略胡地而欲從雲中九原直南襲秦於是

詐自爲使者入秦秦昭王不知已而怪其狀甚偉非人

臣之度使人逐之而主父馳已脫關矣審問之乃主父

也秦人大驚主父所以入秦者欲自略地形因觀秦王

之爲人也惠文王徐廣曰元年以公子勝爲相封平原二年主父行新地

遂出代西遇樓煩王於西河而致其兵三年滅中山遷

其主於膚施徐廣曰在上郡起靈壽徐廣曰在常山北地方從代道大

通還歸行賞大赦置酒酺五日封長子章爲代安陽君

屬代郡章素侈心不服其弟所立主父又使田不禮相章

也李兌謂肥義曰公子章彊壯而志驕黨衆而欲大殆

有私乎田不禮之爲人也忍殺而驕二人相得必有謀

萬曆二十六年刊



陰賊起一出身微幸夫小人有欲輕慮淺謀徒見其利而不顧其害同類相推俱入禍門以吾觀之必不久矣子任重而勢大亂之所始禍之所集也子必先患仁者愛萬物而智者備禍於未形不仁不智何以爲國子奚不稱疾母出傳政於公子成母爲怨府母爲禍梯肥義曰不可昔者主父以王屬義也曰母變而度母異而慮堅守一心以歿而世義再拜受命而籍之今畏不禮之難而忘吾籍變孰大焉進受嚴命退而不全負孰甚焉變負之臣不容於刑諺曰死者復生生者不愧正義曰肥義報

允云必盡傳何爲王不可懼章及田不禮而生異心者復更變生并見在生者並見傳王無變命我不

愧之若苟息也

吾言已在前矣吾欲全吾言安得全吾身且夫

貞臣也難至而節見忠臣也累至而行明子則有賜而

忠我矣雖然吾有語在前者也終不敢失李允曰諾子

勉之矣吾見子已今年耳涕泣而出李允數見公子成

以備田不禮之事異日肥義謂信期曰

索隱曰卽下文高信也。正義

曰上音申也

公子與田不禮甚可憂也其於義也聲善而實

惡此爲人也不子不臣吾聞之也姦臣在朝國之殘也

讒臣在中主之蠹也此人貪而欲大內得主而外爲暴

矯令爲慢以擅一旦之命不難爲也禍且遠國今吾憂

之夜而忘寐飢而忘食盜賊出入不可不備自今以來



若有召王者必見吾面我將先以身當之無故而王乃入信期曰善哉吾得聞此也四年朝羣臣安陽君亦來朝主父令王聽朝而自從旁觀窺羣臣宗室之禮見其長子章儻然也反北面為臣詘於其弟心憐之於是乃欲分趙而王章於代計未決而輟主父及王游沙丘異宮正義曰在邢州平鄉縣東北二十里也公子章即以其徒與田不禮作亂詐以主父令召王肥義先入殺之高信即與王戰公子成與李兌自國至乃起四邑之兵入距難殺公子章及田不禮滅其黨賊而定王室公子成為相號安平君李兌為司寇公子章之敗往走主父主父聞之索隱曰開謂開

門而納之俗本亦作聞者非也譙周及孔衍皆作閉之閉謂藏也。正義曰謂不責其反叛之罪容其入宮閉藏也成兌因圍主父宮公子章死公子成李兌謀曰以章

故圍主父即解兵吾屬夷矣乃遂圍主父令宮中人後出者夷宮中人悉出主父欲出不得又不得食探爵獻而食之其毋遂曰穀爵子也。索隱曰生受哺者謂之穀三月餘而餓死沙丘

宮應劭曰武靈王葬代郡靈丘縣主父定死乃發喪赴諸侯是時王少

成兌專政畏誅故圍主父主父初以長子章為太子後得吳娃愛之為不出者數歲生子何乃廢太子章而立何為王吳娃死愛弛憐故太子欲兩王之猶豫未決故亂起以至父子俱死為天下笑豈不痛乎主父死惠文



王立立五年與燕鄭易

徐廣曰皆屬承部鄭音鄭

八年城南行唐徐廣

曰在常山正義曰行寒庚反括地志云行唐縣屬冀州為南行唐築城

九年趙梁將與齊

合軍攻韓至魯關下及十年秦自置為西帝十一年董

叔與魏氏伐宋得河陽於魏秦取梗陽

杜預曰太原晉陽縣南梗陽城

也○索隱曰地理志云太原榆次有梗陽鄉與杜預所據小別也○正義曰括地志云梗陽故城在并州清源

縣南百二十步分晉陽縣置本漢榆次縣地春秋晉大夫祁氏邑也

十二年趙梁將攻齊

十三年韓徐為將攻齊公主死

索隱曰蓋吳姓女惠文王之妹

十四年

相國樂毅將趙秦韓魏燕攻齊取靈丘

索隱曰年表及韓魏等系家五

國攻齊在明年然此下文十五年重擊齊是此文為得蓋比年司伐齊耳○正義曰蔚丘縣也

與秦會

中陽

正義曰括地志中陽故城在汾州偃城縣南漢中陽縣也

十五年燕昭王來見

趙與韓魏秦共擊齊齊王敗走燕獨深入取臨菑十六

年秦復與趙數擊齊齊人患之蘇厲為齊遺趙王書曰

臣聞古之賢君其德行非布於海內也教順非洽於民

人也祭祀時享非數常於鬼神也甘露降時雨至年穀

豐熟民不疾疫眾人善之然而賢主圖之今足下之賢

行功力非數加於秦也怨毒積怒非素深於齊也秦趙

與國以疆徵兵於韓秦誠愛趙乎其實憎齊乎物之甚

者賢主察之秦非愛趙而憎齊也欲亡韓而吞二周故

以齊餓天下恐事之不合故出兵以劫魏趙恐天下畏

已也故出質以為信恐天下亟反也故徵兵於韓以威



之聲以德與國而實伐空韓索隱曰與國趙也秦趙今為與國秦徵兵共韓共趙

伐齊以威盛和趙是以德與國也臣以秦計為必出於此夫物固有勢

異而患同者楚久伐而中山亡今齊久伐而韓必亡破

齊王與六國分其利也亡韓秦獨擅之收二周西取祭

器秦獨私之賦田計功王之獲利孰與秦多說士之計

曰韓亡三川正義曰河南之間魏亡晉國正義曰河北之地安邑河內

市朝未變而禍已及矣燕盡齊之北地去沙丘鉅鹿歛

三百里正義曰沙丘邢州也鉅鹿冀州也齊北界且州界相去減三百里也歛滅也言破齊滅韓之後燕之南界秦之東

趙國在中間也韓之上黨去邯鄲百里燕秦謀王之

河山間三百里而通矣秦之上郡正義曰鄜延等州也近挺關至

於榆中者千五百里秦以三郡攻王之上黨正義曰秦上黨郡今

澤潞儀沁等四州之地兼相州之半韓摠有之至七國

時趙得儀沁二州之地韓猶有潞州及澤州之半半屬

趙魏沁州在羊腸坂之西儀并代三州在勾注山之南

秦以三郡攻趙之澤潞則勾注之南趙無地然秦始皇

置上黨郡此言之者太史羊腸之西正義曰太行山坂

公却引前書也他皆倣此屬澤州勾注之南正義曰勾注山在代州西北也非王有已踰勾注斬常

山而守之三百里而通於燕代馬胡犬不東下正義曰言秦踰

勾注山斬常山而守之西北代馬胡犬不東入趙沙州崑山之玉亦不出至趙矣郭璞云胡地野犬似狐而小崑山之玉不出此三寶者亦非王有已王久伐齊從疆

秦攻韓其禍必至於此願王孰慮之且齊之所以伐者

以事王也正義曰以趙王為事也而秦必伐之也天下屬行以謀王也正義

萬曆二十六年刊



曰上音燭下胡郎反言秦欲令齊燕秦之約成而兵出

稱帝與約五國共滅趙三分趙地正義曰謂秦齊韓魏齊倍五

有日矣五國三分王之地正義曰謂秦齊韓魏齊倍五

國之約而殉王之患西兵以禁彊秦秦廢帝請服正義曰言

秦齊相約欲更重反高平根柔於魏徐廣曰紀年云魏

稱帝故言廢帝也曰河雍向曰高平也根柔一作棧柔一作平柔。正義

曰返還也括地志云高平故城在懷州河陽縣西四十

里紀年云魏哀王改向日高友至分徐廣曰一作王先

平也根柔未詳兩邑魏地也公至音胡鼎反

俞於趙徐廣曰爾雅曰西俞鴈門是也。正義曰至音

陘山在代州鴈門縣西北四十里俞音戊郭注云西隄

卽鴈門山也按西先聲相近蓋陘山西隄二山之地並

在代州鴈門齊之事王宜爲上佼索隱曰佼而今乃抵

縣皆趙地也擧正義曰謂共臣恐天下後事主者之不敢自必也願

王孰計之也今王毋與天下攻齊天下必以王爲善齊

抱社稷而厚事王天下必盡重王義王以天下善秦秦

暴王以天下禁之是一世之名寵制於王也於是趙乃

輟謝秦不擊齊王與燕王遇廉頗將攻齊昔陽正義曰

云昔陽故城一名陽城在并州樂平縣東春秋釋地名

云昔陽服國所都也樂平城治縣東昔陽城服姓白狄

別種也樂平縣取之十七年樂毅將趙師攻魏伯陽正

城漢治縣城也曰括地志云伯陽故城一名邯會城在相州而秦怨趙

不與已擊齊伐趙拔我兩城十八年秦拔我石城正義曰地

理志云右北平有石城縣括地志云石城在

相州林慮縣西南九十里疑相州石城是

王再之衛

東陽決河水正義曰括地志云東陽故城故城在貝州

歷定縣界按東陽先屬衛今屬趙河歷貝

萬曆二十六年刊



州南東北流過河南岸即魏地也故言王再之衛東陽伐魏氏也伐魏氏大潦漳水出

魏冉來相趙十九年秦敗我二城趙與魏伯陽趙奢將

攻齊麥丘取之二十年廉頗將攻齊王與秦昭王遇西

河外徐廣曰年表云與秦會澠池二十一年趙徙漳水武平西正義曰括

地志云武平亭今名渭城在瀛州文安縣北七十二里按二十七年又徙漳水武平南二十二年

大疫置公子丹為太子二十三年樓昌將攻魏幾正義曰音

祈傳云伐齊幾拔之又戰國策云秦敗閼與及攻不能魏幾按幾邑或屬齊或屬魏當在相潞之淵也

取十二月廉頗將攻幾取之二十四年廉頗將攻魏房

子徐廣曰屬常山拔之因城而還又攻安陽取之二十五年燕

周將攻昌徐廣曰屬齊部。正義曰括地志云故昌城在淄川縣東

北四十里也城高唐取之與魏共擊秦秦將白起破我華陽

正義曰括地志云故華陽城在鄭州管城縣南四十里司馬彪云華陽亭在今洛州密縣是時魏韓趙聚兵於

華陽西得一將軍二十六年取東胡正義曰今歐代地

索隱曰蓋東胡叛故驅畧代地人衆以叛故取之也二十七年徙漳水武平南封

趙豹為平陽君戰國策曰趙豹平河水出大潦二十八

年藺相如伐齊至平邑正義曰括地志云平邑故城在

罷城北九門大城正義曰恒州燕將成安君公孫操弒

其王徐廣曰年表云是燕武成王元年二十九年秦韓

相攻而圍閼與正義曰上於連反下音預括地志云閼

北二十里又儀州順和縣城亦云韓閼與邑二所詳又有閼與山在洛州武安縣西五十里蓋是也趙

萬曆二十六年刊



使趙奢將擊秦大破秦軍闕與下賜號為馬服君正義曰因

馬服山為號也虞喜志林云馬兵之首也號曰馬服者言能服馬也括地志云馬服山部鄆縣西北十里也

三十三年惠文王卒太子丹立是為孝成王孝成王元

年徐廣曰平原君相也秦伐我拔三城趙王新立太后用事秦急

攻之趙氏求救於齊齊曰必以長安君正義曰長安君者以長安善故

名為質兵乃出索隱曰孔衍云長安君惠文后之太子也趙亦有長安今其地闕

不肯大臣彊諫太后明謂左右曰復言長安君為質者

老婦必唾其面左師觸龍言願見太后太后盛氣而胥

之入胥猶須也穀梁傳曰胥其出也徐趨而坐自謝曰老臣病足曾不

能疾走不得見久矣竊自恕而恐太后體之有所苦也

故願孳見太后太后曰老婦恃輦而行索隱曰東晉云趙惠文王太子何

者吳廣之甥姓羸之子也如系家計之則武靈王十六年夢吳姓而納之至二十七年王薨及惠文王三十二年卒孝成王元年遣長安君質於齊若姓年二十一入王

宮至此在六十左側亦可稱老矣而東廣微言太后纔三十有奇者誤也

曰食得毋衰乎曰恃粥耳曰老臣閒者殊不

欲食乃彊步日三四里少益嗜食和於身也太后曰老

婦不能太后不和之色少解左師公曰老臣賤息舒祺

最少不肖而臣衰竊憐愛之願得補黑衣之缺以衛王

宮昧死以聞太后曰敬諾年幾何矣對曰十五歲矣雖

少願及未填溝壑而託之太后曰丈夫亦愛憐少子乎

對曰甚於婦人太后笑曰婦人異甚對曰老臣竊以為



君之愛燕后賢於長安君太后曰君過矣不若長安君  
之甚左師公曰父母愛子則爲之計深遠媼之送燕后  
也持其踵爲之泣念其遠也亦哀之矣已行非不思也  
祭祀則祝之曰必勿使反豈非計長久爲子孫相繼爲  
王也哉太后曰然左師公曰今三世以前至於趙主之  
子孫爲侯者其繼有在者乎曰無有曰微獨趙諸侯有  
在者乎曰老婦不聞也曰此其近者禍及其身遠者及  
其子孫豈人主之子侯則不善哉位尊而無功奉厚而  
無勞而挾重器多也今媼尊長安君之位而封之以膏  
腴之地多與之重器而不及今令有功於國一旦山陵

崩長安君何以自託於趙老臣以媼爲長安君之計短  
也故以爲愛之不若燕后太后曰諾恣君之所使之於  
是爲長安君約車百乘質於齊齊兵乃出子義聞之  
曰子義趙曰人主之子骨肉之親也猶不能持無功之  
尊無勞之奉而守金玉之重也而況於予乎齊安平君

正義曰括地志云安平城在青州臨海縣東十九里古紀之鄴邑也田單將趙師而攻燕

正義曰燕無中陽括地志云中山故城一名中人中陽亭在定州唐縣東北四十一里爾時屬燕國也

拔之又攻韓注人正義曰邑名也括地志云注城在安州梁縣西十五里蓋是其地也拔

之二年惠文后卒田單爲相四年王夢衣偏袞之衣正義

曰杜預云偏左右異色袞在中左右異故曰偏按袞衣背絳也乘飛龍上天不至而墜



見金玉之積如山明日王召筮史敢占之曰夢衣偏袷之衣者殘也乘飛龍上天不至而墜者有氣而無實也見金玉之積如山者憂也後三日韓氏上黨守焉亭使者至曰韓不能守上黨入之於秦其吏民皆安為趙不欲為秦有城市邑十七願再拜入之趙聽王所以賜吏民王大喜召平陽君豹告之曰馮亭入城市邑十七受之何如對曰聖人甚禍無故之利王曰人懷吾德何謂無故乎對曰夫秦蠶食韓氏地中絕不令相通固自以為坐而受上黨之地也韓氏所以不入於秦者欲嫁其禍於趙也秦服其勞而趙受其利雖彊大不能得之於

小弱小弱願能得之於彊大乎豈可謂非無故之利哉

且夫秦以牛田之水通糧正義曰秦從渭水漕糧東蠶

食上乘倍戰者正義曰乘承證反蠶食桑葉漸進必盡也司馬法云百畝為夫夫三為屋屋三

為井井十為通通十為城城出革車一乘七十二人也上乘天下第一也倍戰力攻也韓國四戰之地軍士慣

習倍於裂上國之地其政行不可與為難必勿受也正義

曰上國秦地也言韓上黨之地以列為秦國之地其王

政已行趙不可與秦作難必莫受馮亭十七邑也

曰今發百萬之軍而攻踰年歷歲未得一城也今以城

市邑十七幣吾國此大利也正義曰馮亭將十七邑入趙若幣帛之見遺此大利

也趙豹出王召平原君與趙禹而告之對曰發百萬之軍而攻踰歲未得一城今坐受城市邑十七此大利不



可失也王曰善乃令趙勝受地告馮亭曰敝國使者臣

勝敝國君使勝致命以萬戶都三封太守正義曰爾時未合言太守

至漢景帝始加大千戶都三封縣令皆世世為侯吏民

皆益爵三級吏民能相安皆賜之六金馮亭垂涕不見

使者曰吾不處三不義也為主守地不能死固不義一

矣入之秦不聽主令不義二矣賣主地而食之不義三

矣趙遂發兵取上黨漢書馮奉世傳曰趙封馮亭為華陵君與趙將括距秦戰死於長平

宗族田是分散或在趙在趙者為官師將官師將子為代相及秦滅六國而馮亭之後馮無擇馮去疾馮劫皆為秦將相馮馬漢興馮唐即代相之子也廉頗將軍軍長

上黨正義曰括地志云長平故城在澤州高平七年廉頗

平正義曰括地志云長平故城在澤州高平七年廉頗

免而趙括伐將秦人圍趙括趙括以軍降卒四十餘萬

皆阬之王悔不聽趙豹之計故有長平之禍焉王還不

聽秦秦圍邯鄲徐廣曰武垣今在九年武垣令徐廣曰河間有武垣縣本屬涿郡○正義曰括

地志云武垣故城今瀛州城是也傅豹王容蘇射率燕眾反燕地正義曰括地志云武垣故城是也趙以靈丘正義曰括地志云靈丘蔚州理縣也封

楚相春申君八年平原君如楚請救還楚來救及魏公

子無忌亦來救正義曰魏公子傳云趙王以鄙為公子湯沐邑年表云九年公子無忌救邯鄲

圍在九年其秦圍邯鄲乃解十年燕攻昌壯徐廣曰一作社○正

文錯誤耳義曰壯字誤當作城括地志云昌城故城在五月拔之

趙將樂乘慶舍攻秦信梁軍破之徐廣曰年表云新中軍也○索隱曰信梁

萬曆二十六年刊



秦將也。正義曰：信梁蓋王，蓋號也。秦本紀云：昭襄王五十年，王蓋從唐拔寧新中寧新中，更名安陽。今相川

理縣也。年表云：韓魏楚救太子死。徐廣曰：是年周赧王趙新中軍，秦兵罷是也。太子死，徐廣曰：是年周赧王

乎。索隱曰：趙而秦攻西周，拔之，徒父祺出。索隱曰：徒父，趙大夫

名。十一年，城元氏。地理志：常山縣，上原武陽君鄭安平

死。徐廣曰：故秦收其地。十二年，邯鄲屠燒。徐廣曰：屠，廐之名，音膾也。

索隱曰：屠積，蒺藜之處，為火所燒也。十四年，平原君趙勝死。索隱曰：年表

十五年，以尉文封相國廉頗為信平君。索隱曰：尉文，蓋地名，或曰尉官

文名，謂以尉文所食之地以封廉頗也。古文質畧文燕省耳。正義曰：尉文，蓋蔚州地也。信平，廉頗號也。

王令丞相栗腹約驪以五百金為趙王酒，還歸報燕王曰：趙氏壯者皆死，長平其孤未壯，可伐也。王召昌國君

樂閒而問之，對曰：趙四戰之國也，其民習兵，伐之不可。

王曰：吾以衆伐寡，二而伐一，可乎？對曰：不可。王曰：吾即

以五而伐一，可乎？對曰：不可。燕王大怒，羣臣皆以為可。

燕卒起二軍，車二千乘，栗腹將而攻鄗，卿秦將而攻代。

索隱曰：二人皆燕將姓名。廉頗為趙將，破殺栗腹，虜卿秦，樂閒。正義曰：三

人皆燕將姓也。十六年，廉頗圍燕，以樂乘為武襄君。正義曰：襄

言樂乘功最高也。十七年，假相大將武襄君攻燕，圍其國十八

年，延陵鈞。徐廣曰：代郡率師從相國信平君助魏攻燕

秦拔我榆次。徐廣曰：在太原。三十七城。十九年，趙與燕易土，以

龍兌汾門臨樂與燕。正義曰：邢子勵趙記云：龍山有四麓，各有一穴，大如車輪，春風出東



秋風出西夏風出南冬風出北按蓋謂龍兌也滄門括地志云易州永樂縣有徐水出廣昌嶺流至北平縣東南歷石門中俗謂之龍門蓋汾字誤也臨樂臨鄉故城在幽州同安六十七里

舒與趙正義曰括地志云故葛城又名西河城在瀛州高陽縣西北五十里平舒故城在蔚州靈丘縣

北九十二十年秦王政初立秦拔我晉陽二十一年孝

成王卒廉頗將攻繁陽取之徐廣曰在頓丘○正義曰括地志云繁陽故城在相

州內黃縣東北二十七里應劭云繁水之北故曰繁陽也使樂乘代之廉頗攻樂乘

樂乘走廉頗亡入魏子偃立是為悼襄王悼襄王元年

大備徐廣曰一作脩○正義曰行大備之禮也魏欲通平邑中牟之道不成

正義曰平邑在魏州昌樂縣東北三十里相州分陰縣西五十里入里有中牟山按中牟山之側時二邑皆屬魏

欲渡黃河作道相通遂不成也二年李牧將攻燕拔武遂方城徐廣曰武遂屬

安平○正義曰括地志云易州遂城戰國時武遂城也方城故在幽州固安縣南十七里時二邑屬燕趙使李

牧拔秦召春平君因而留之泄鈞正義曰人姓名也為之謂文

信侯曰春平君者趙王甚愛之而郎中妬之故相與謀

曰春平君入秦秦必留之故相與計而內之秦也今君

留之是絕趙而郎中之計中也君不如遣春平君而留

平都正義曰輿地理志云平都縣在新興郡與陽周縣相近春平君者言行信於

王王必厚割趙而贖平都文信侯曰善因遣之徐廣曰年表云

太子從質秦歸○正義城韓臯三年龐煖將攻燕禽其

將劇辛四年龐煖將趙楚魏燕之銳師攻秦徐廣曰在新豐

不拔移攻齊取饒安正義曰饒安滄州縣也七五年傳



抵正義曰上音付下將居平邑慶舍將東陽正義曰屬

北岸音邱趙將姓名河外師守河梁正義曰河外河南岸六年封長安

君以饒正義曰即饒陽也瀛州饒陽縣東二十魏與趙

鄴九年趙攻燕取狸陽城正義曰按燕無狸陽疑狸字

雲縣南十八里燕漁陽郡城也按趙東界兵未罷秦攻

至瀛州則檀州在北趙攻燕取漁陽城也鄴拔之

年表曰拔關與鄴九城又悼襄王卒子幽繆王

遷立幽繆王遷元年徐廣曰又云湣王世本云孝成王

及史考趙遷皆無諡○索隱曰徐廣云王遷無諡今唯

此獨稱幽繆王者蓋秦滅趙之後人臣竊追諡之太史

公或別有所見而記也城柏人二年秦攻武城徐廣曰年表云扈

輒率師救之軍敗死焉二年秦攻赤麗宜安正義曰括

安故城在恒州橐城縣西南二十里也李牧率師與戰肥下却之正義曰

云肥橐故城在恒州橐城縣西七里春秋時肥子國白然別種也封牧為武安君四年

秦攻番吾李牧與之戰却之五年代地大動自樂徐以

西北至平陰正義曰樂徐在晉臺屋墻垣大半壞地坼

東西百三十步正義曰其坼溝見在六年大饑民譌言

曰趙為號秦為笑以為不信視地之生毛七年秦人攻

趙趙大將李牧將軍司馬尚將擊之李牧誅司馬尚免

趙忽及齊將顏聚代之趙忽軍破顏聚亡去以王遷降

正義曰淮南子云趙王遷流於房陵思故鄉則為作山

木之謳聞之者莫不隕涕括地志云趙王遷墓在房州

房陵縣西九里也

八年十月邯鄲為秦

萬曆二十六年刊



太史公曰吾聞馮王孫曰趙王遷其母倡也

徐廣曰列女傳曰邯

鄆之倡

嬖於悼襄王悼襄王廢適子嘉而立遷遷素無行

信讒故誅其良將李牧用郭開豈不謬哉秦既虜遷趙

之亡大夫共立嘉為王王代六歲秦進兵破嘉遂滅趙

以為郡

索隱述贊曰

趙氏之世

與秦同祖

周穆平徐

乃封造父

帶始事晉

夙初有土

岸賈矯誅

韓厥立武

寶符臨代

卒居伯魯

簡夢翟犬

靈歌處女

胡服雖彊

建立非所

頗教不用

王遷囚虜



史記卷四十三終

史記卷四十四

魏世家第十四

漢太史令龍門司馬遷撰

宋中郎外兵參軍河東裴駰集解

唐國子博士弘文學士河內司馬貞素隱

唐諸王侍讀率府長史張守節正義

皇明朝列大夫國子監祭酒臣劉應秋

承直郎國子監司業臣楊道賓等奉

勅重較刊

皇明朝列大夫國子監祭酒臣吳士元

承德郎司業仍加俸一級臣黃錦等奉

旨重修

魏之先畢公高之後也畢公高與周同姓索隱曰左傳富辰說文玉

之子十六國有畢原豐郇言畢公是文王之子此云與周同姓似不用左氏之說馬融亦云畢毛文王庶子

武王之伐紂而高封於畢杜預曰畢在長安縣西北正義曰括地志云畢原在雍

州萬年縣西於是為畢姓其後絕封為庶人或在中國

南二十八里萬曆二十六年刊



或在夷狄其苗裔曰畢萬事晉獻公獻公之十六年趙

夙為御畢萬為右以伐霍耿魏滅之以耿封趙夙以魏

封畢萬正義曰魏城在陝州芮城縣北五里鄭玄為大

夫卜偃曰索隱曰晉掌卜大夫郭偃也畢萬之後必大矣萬滿數也

魏大名也以是始賞天開之矣天子曰兆民諸侯曰萬

民今命之大以從滿數其必有眾初畢萬卜事晉遇屯

之比辛廖占之曰吉屯固比入吉孰大焉其必蕃昌畢

萬封十一年晉獻公卒四子爭更立晉亂而畢萬之世

彌大從其國名為魏氏生武子索隱曰左傳武子名犛

季生武仲州州與犛聲相近字因以異代亦不周魏武子以魏諸子事晉公子

重耳晉獻公之二十一年武子從重耳出亡十九年反

重耳立為晉文公而令魏武子襲魏氏之後封列為大

夫治於魏生悼子魏悼子徙治霍索隱曰系本云武仲

系本居篇曰魏武子居魏悼子徙霍未忠曰霍地名今

河東堽縣也則是有悼子系本卿大夫代自臉耳然魏

今河北魏縣是也○正義曰晉州霍邑縣漢堽縣也生

後漢改曰永安隋改曰霍邑本春秋時霍伯國也

魏絳魏絳事晉悼公悼公三年會諸侯悼公弟楊于亂

行魏絳修辱楊于索隱曰左傳云悼公怒曰合諸侯以

為榮今辱吾弟將誅魏絳或說悼公悼公止卒任魏絳

政使和戎翟戎翟親附悼公之十一年曰自吾用魏絳

八年之中九合諸侯戎翟和子之力也賜之樂三讓然



後受之徙治安邑

正義曰安邑在絳州夏縣安邑故城是

魏絳卒諡為昭

子也徐廣曰世本日莊子。索隱曰系本錯也居篇又曰昭子徙安邑亦與此文同

生魏羸羸生

魏獻子

索隱曰系本云獻子名茶茶莊子之子無魏羸也

獻子事晉昭公昭公

卒而六卿彊公室甲晉頃公之十二年韓宣子老魏獻

子為國政晉宗室祁氏羊舌氏相惡六卿誅之盡取其

邑為十縣六卿各令其子為之大夫獻子與趙簡子中

行文子范獻子並為晉卿

索隱曰簡子趙鞅文子荀寅獻子范吉射

其後十

四歲而孔子相魯後四歲趙簡子以晉陽之亂也而與

韓魏共攻范中行氏魏獻子生魏侈

索隱曰侈他本亦作哆蓋哆字誤而

代數錯也系本獻子生簡子取取生襄子侈而左魏侈

與趙鞅共攻范中行氏魏後之孫曰魏栢子

索隱曰系本云襄子

生栢子駒

與韓康子趙襄子共伐滅知伯

索隱曰康子名虎襄子名無恤智伯

知也本姓荀亦曰荀瑤。正義曰知音智括地志云故晉城在蒲州虞鄉縣西北四十里古今地名云解縣

有晉城蓋謂此也

分其地栢子之孫曰文侯都

徐廣曰世本云是魏駒之子與此系代亦不同也

魏文侯元年秦靈

公之元年也與韓武子趙栢子周威王同時

索隱曰系本武子名

啓章康子之子栢子名嘉襄子之子

六年城少梁十三年使子擊圍繁龐

出其民十六年代秦築臨晉元里十七年伐中山使子

擊守之趙倉唐傅之子擊逢文侯之師田子方於朝歌

引車避下謁田子方不為禮子擊因問曰富貴者驕人



乎且貧賤者驕人乎子方曰亦貧賤者驕人耳夫諸侯而驕人則失其國大夫而驕人則失其家貧賤者行不

合言不用則去之楚越若脫躡然奈何其同之哉子擊

不憚而去西攻秦至鄭而還築維陰合陽正義曰維陰沮水也城在

水南郟陽郟水之北括地志云郟陽故城在同州河西縣南三里維陰在同州西也二十二年魏

趙韓列為諸侯二十四年秦伐我至陽狐正義曰括地志云陽狐郭

在魏州元城縣東北三十里也二十五年子擊生子瑩索隱曰瑩音乙耕反擊武侯名

文侯受子夏經藝客段干木過其閭未嘗不軾也正義曰過

先臥反文侯軾干木閭也皇甫謐高士傳云木晉人也守道不仕魏文侯欲見造其門于木踰牆避之文侯以

客禮待之出過其閭而軾其僕曰君何軾曰段干木賢者也不趣勢利懷君子之道隱處窮巷聲馳千里吾安

得勿軾干木先乎德寡人先乎勢干木富乎義寡人富乎財勢不若德貴財不若義高又請為相不肯後甲巳

固請見與語文侯立倦不敢息淮南子云段干木晉之大顯而為文侯師呂氏春秋云魏文侯見段干木立倦

而不敢息及見翟璜璜於堂而與之言翟璜不悅文侯曰段干木官之則不肯祿之則不受今汝欲官則相至

欲祿則上卿至既受吾賞又責吾禮無乃難乎秦嘗欲伐魏或曰魏君賢人是

禮國人稱仁上下和合未可圖也文侯由此得譽於諸

侯任西門豹守鄴而河內稱治索隱曰人河在鄴東故名鄴為河內○正義曰

古帝王之都多在河東河北故呼河北為河內河南為河外魏文侯謂李克曰先生

嘗教寡人曰家貧則思良妻國亂則思良相今所置非

成則璜徐廣曰文侯弟名成二子何如李克對曰臣聞之卑不謀

尊疎不謀戚臣在闕門之外不敢當命文侯曰先生臨



事勿讓李克曰君不察故也居視其所親富視其所與  
達視其所舉窮視其所不爲貧視其所不取五者足以  
定之矣何待克哉文侯曰先生就舍寡人之相定矣李  
克趨而出過翟璜之家翟璜曰今者聞君召先生而卜  
相果誰爲之李克曰魏成子爲相矣翟璜忿然作色曰  
以耳目之所覩記臣何負於魏成子西河之守臣之所  
進也君內以鄴爲憂臣進西門豹君謀欲伐中山臣進  
樂羊中山已拔無使守之臣進先生君之子無傅臣進  
屈侯鮒臣何以負於魏成子李克曰且子之言克於子  
之君者豈將比周以求大官哉君問而置相非成則璜

二子何如克對曰君不察故也居視其所親富視其所  
與達視其所舉窮視其所不爲貧視其所不取五者足  
以定之矣何待克哉是以知魏成子之爲相也且子安  
得與魏成子比乎魏成子以食祿千鍾什九在外什一  
在內是以東得卜子夏田子方段干木此三人者君皆  
師之子之所進五人者君皆臣之子惡得與魏成子比  
也翟璜逡巡再拜曰璜鄙人也失對願卒爲弟子二十  
六年虢山崩壅河徐廣曰在陝駟案地理志曰弘農陝  
縣故虢國北虢在太陽東虢在滎陽  
正義曰括地志云虢山在陝州陝縣西二里三十二年  
臨黃河今臨河有崗阜似是頽山之餘也  
伐鄭城酸棗敗秦于注司馬彪曰河南梁縣有注城也  
正義曰括地志云注城在汝州



梁縣西十五里注或作鑄也三十五年齊伐取我襄陵徐廣曰今在南平陽縣也

三十六年秦侵我陰晉徐廣曰今之華陰也三十八年伐秦敗我武下正義

六年魏納陰晉更名曰寧秦徐氏云今之華陰也索隱曰今之華陰也得其將識索隱曰識將名也武下魏

地是歲文侯卒索隱曰紀年云五十年卒子擊立是為武侯魏武侯

元年趙敬侯初立索隱曰紀年云魏武侯元年當趙烈侯之十四年不同也又系本敬侯名

章公子朔為亂不勝奔魏與魏襲邯鄲魏敗而去二年

城安邑王垣索隱曰紀年十一年城洛陽及安邑王垣徐廣云垣縣有王屋山故曰王垣七

年伐齊至桑丘正義曰年表云齊伐燕取桑丘故魏救燕伐齊至桑丘也括地志云桑丘故城

敬城俗名九年翟敗我于澮索隱曰澮音古外反于澮於澮水之側○正義曰括地志云澮

高山又云澮山在絳州翼城縣東北二十五里澮水出北山也

使吳起伐齊至靈丘正義曰按紀年齊幽

曰靈丘蔚州縣也時屬齊故三晉伐之也齊威王初立索隱曰按紀年齊幽公之十八年而威王

立十一年與韓趙三分晉地滅其後十三年秦獻公縣

櫟陽十五年敗趙北蘭正義曰在石州趙之西十六年

伐楚取魯陽正義曰今汝州魯山縣也武侯卒索隱曰紀年云武

子索隱曰正正義曰是為惠王惠王元年初武侯卒也子瑩與公中緩

正義曰爭為太子公孫頎自宋入趙索隱曰頎音祁紀

公子緩趙侯種韓懿侯伐我取蔡而惠成王伐趙自趙

圍濁陽七年公子緩如邯鄲以作難是說此事也

入韓謂韓懿侯曰索隱曰懿侯哀侯之子魏瑩與公中緩爭為太

子君亦聞之乎今魏瑩得王錯徐廣曰汲冢紀年惠王

萬曆二十六年刊



韓挾上黨固半國也因而除之徐廣曰除一作倍○正義曰按除除魏整及王

也錯破魏必矣不可失也懿侯說乃與趙成侯合軍并兵

以伐魏戰于濁澤徐廣曰長社有濁澤○索隱曰系本云成侯名種魏氏大敗

魏君圍趙謂韓曰除魏君立公中緩割地而退我且利

韓曰不可殺魏君人必曰暴割地而退人必曰貪不如

兩分之魏分爲兩不彊於宋衛則我終無魏之患矣趙

不聽韓不說以其少卒夜去惠王之所以身不死國不

分者二家謀不和也若從一家之謀則魏必分矣故曰

君終無適子其國可破也二年魏敗韓于馬陵敗趙于

懷三年齊敗我觀徐廣曰齊世家云獻觀以和齊年表曰伐魏取觀今衛縣也○索隱曰田

完系家云敗魏於濁澤而圍惠王惠王請獻觀以和○正義曰觀魏州魏城縣古之觀國語云觀國夏啓子太

康第五弟之所封也夏衰滅之五年與韓會宅陽城正義曰括地志云宅在鄭州滎陽

武堵爲秦所敗徐廣曰秦年表曰敗韓魏洛陽六年代

取宋儀臺索隱曰表亦作義臺然義臺見莊子司馬彪亦曰臺名郭象云義臺靈臺也九年

伐敗韓于澮與秦戰少梁虜我將公孫痤徐廣曰年表云虜我太子

也取龐秦獻公卒子孝公立十年伐取趙皮牢彗星見

十二年星晝墜有聲十四年與趙會鄆十五年魯衛宋

鄭君來朝索隱曰紀年魯恭侯宋桓侯衛成侯鄭釐侯來朝皆在十四年鄭釐侯者韓昭侯也韓哀

侯滅鄭而徙都之遂改號曰鄭十六年與秦孝公會社平侵宋黃池宋

復取之十七年與秦戰元里秦取我少梁圍趙邯鄲十



八年拔邯鄲趙請救于齊齊使田忌孫臏救趙敗魏桂

陵十九年諸侯圍我襄陵築長城塞固陽正義曰塞先代反括地志

云栢楊縣漢舊縣也在銀州銀城縣界按魏築長城自鄭瀆洛北庭銀州至勝州固陽縣為塞也固陽有連山

東至黃河西南至夏會等州栢音固二十年歸趙邯鄲與盟漳水上正義曰邯

鄲洛州縣也漳水名漳水源出洛州武安縣三門山也二十一年與秦會形趙成

侯卒徐廣曰年表云二十七年丹封名會丹魏大臣也二十八年齊威王卒中

山君相魏索隱曰魏文侯滅中山使子擊守之後尋復國至是始令相魏其中山後又為趙所滅

三十年魏伐趙正義曰孫臏傳云魏與趙攻韓韓告急齊此文誤耳魏伐趙趙請救齊齊使孫

臏救趙敗魏桂陵乃在十八年也趙告急齊齊宣王用孫子計救趙擊

魏魏遂大興師使龐涓將而令太子申為上將軍過外

黃外黃徐子劉向別錄曰徐子外黃人也外黃時屬宋正義曰括地志云故圍城有南北二城在

汴州雍丘縣界本屬外黃即太子申見徐子之地也謂太子曰臣有百戰百勝之

術太子曰可得聞乎客曰固願效之曰太子自將攻齊

大勝并莒正義曰莒密州縣也在齊東南言從西破齊并至莒地則齊上盡矣則富不過

有魏貴不益為王若戰不勝齊則萬世無魏矣此臣之

百戰百勝之術也太子曰諾請必從公之言而還矣客

曰太子雖欲還不得矣彼勸太子戰攻欲啜汁者眾正義

曰啜穿悅反汁之入反冀功勳者眾也太子雖欲還恐不得矣太子因欲

還其御曰將出而還與北同太子果與齊人戰敗於馬

陵徐廣曰在元城○索隱曰按紀年云二十八年與齊田盼戰于馬陵又上二年魏敗韓馬陵十八年趙又

萬曆二十六年刊



敗魏桂陵桂陵與馬陵異處。正義曰：虞喜志林云：馬陵在濮州鄆城縣東北六十里，有陵間谷深峻，可以置伏。按龐涓敗卽此也。徐說馬陵在魏州元城縣東南一里，龐涓敗非此地也。齊虜魏太子申

殺將軍涓軍遂大破索隱曰：紀年云

二十九年五月齊田盼伐我東鄆九月秦衛鞅伐我西鄆十月邯鄲伐我北鄆王攻衛鞅我師敗績是也然言

二十九年秦將商君詐我將軍公子卬而襲奪其軍破之

秦用商君東地至河而齊趙數破我安邑近秦於是徙

治大梁徐廣曰：今浚儀。綱案：汲冢紀年曰：梁惠成王九年四月甲寅徙都大梁也。索隱曰：紀年以爲

惠王九年蓋誤也。正義曰：陳留風俗傳云：魏以公子之都也。畢萬十葉徙大梁。按今汴州浚儀也。

赫爲太子三十三年秦孝公卒商君亡秦歸魏魏怒不

入三十五年與齊宣王會平阿南地理志：沛郡有平阿縣也。惠王數

敗於軍旅卑禮厚幣以招賢者鄒衍淳于髡孟軻皆至

梁梁惠王曰寡人不佞兵三折於外太子虜上將死國

以空虛以羞先君宗廟社稷寡人甚醜之叟不遠千里

辱幸至弊邑之廷將何以利吾國孟軻曰君不可以言

利若是夫君欲利則大夫欲利大夫欲利則庶人欲利

上下爭利國則危矣爲人君仁義而已矣何以利爲三

十六年復與齊王會甄是歲惠王卒索隱曰：紀年云：惠成王三十六年改

元稱一年子襄王立索隱曰：系本襄王名嗣。襄王元年與諸侯會

徐州徐廣曰：今薛縣。相王也追尊父惠王爲王徐廣曰：二五年

秦敗我龍賈軍四萬五千于雕陰徐廣曰：在上郡。正義曰：括地志云：彫陰

萬曆二十六年刊



故縣在鄜州洛交縣北正義曰括地志云圍我焦曲沃正義曰括地志云

北百步古號城中東北隅周同姓也曲沃有正義曰括地志云予秦河西

之地正義曰自華州北至同州六年與秦會應徐廣曰

城有應鄉也正義曰應乙陵反括地志云秦取我汾

陰皮氏焦正義曰括地志云汾陰故城在蒲州汾陰縣

也徐廣曰在密縣○正義曰括地

十七年魏盡入上郡于秦正義曰括地志云上郡故城

魏之上郡地也按丹鄜延綏等州北至固陽並上郡地

魏築長城界秦自華州鄭縣已北濱洛至慶州洛源縣

自於山即東北至勝州固陽縣秦降我蒲陽正義曰在

東至河西上郡之地盡入於秦縣蒲邑故八年秦歸我焦曲沃十二年楚敗我襄陵諸

侯執政與秦相張儀會齧桑徐廣曰在梁十三年張儀

相魏魏有女子化為丈夫秦取我曲沃正義曰絳州桐

平周正義曰十三州志云古平周縣十六年襄王卒子

哀王立張儀復歸秦荀勗曰和嶠云紀年起自黃帝終

秦太史公書惠成王但言惠王惠王子曰襄王襄王子

曰哀王惠王三十六年卒襄王立十六年卒并惠襄為

五十二年今案古文惠成王立三十六年改元稱一年

改元後十七年卒太史公書為誤分惠成之世以為二  
王之年數也世本惠王生襄王而無哀王然則今王者  
魏襄王也○索隱曰系本襄王生昭王而無哀王蓋脫  
一代耳孔衍敘魏語亦有哀王而紀年說惠成王三十  
六年又稱後元一十七年卒此文分惠王之歷以為二  
王之年又有哀王九二十三年紀事甚明蓋無足疑然  
則是紀年之作失哀王之代故分襄王之為惠王後  
元即以襄王之代耳  
哀王元年五國共攻秦正義曰韓魏  
包哀王之代耳  
楚趙燕也



不勝而去二年齊敗我觀津正義曰括地志云觀津城在冀州棗陽縣東南二十

五里本趙邑今屬魏也五年秦使樗里子伐取我曲沃索隱曰樗里子秦昭

王弟名疾居樗里故因號焉走犀首岸門徐廣曰穎陰有岸亭○索隱曰犀首官名即公孫衍

劉氏云河東皮氏縣有岸頭亭也○正義曰括地志云岸門在許州長社縣西北十八里今名西武亭六

年秦求立公子政為太子索隱曰政魏公子也與秦會臨晉七年

攻齊徐廣曰年表云擊齊虜贅子於濮也與秦伐燕八年伐衛拔列城二

索隱曰紀年云八年翟章伐衛衛君患之如耳見衛君正義曰如耳魏大夫姓名也

曰請罷魏兵免成陵君可乎衛君曰先生果能孤請世

世以衛事先生如耳見成陵君曰昔者魏伐趙斷羊腸

拔關與徐廣曰在上黨○正義曰關於連反與音預羊腸坂道在太行山上南曰懷州北曰潞州關與

故城在潞州及儀州若右斷羊腸拔關與北連恒州則趙國東西斷而為三也約斬趙趙分而

為二所以不亡者魏為從主也今衛已迫亡將西請事

於秦與其以秦驛衛不如以魏驛衛正義曰驛音釋衛之德魏

必終無窮成陵君曰諾如耳見魏王曰臣有謁於衛衛

故周室之別也其稱小國多寶器今國迫於難而寶器

不出者其心以為攻衛驛衛不以王為主故寶器雖出

必不入於王也臣竊料之先言驛衛者必受衛者也如

耳出成陵君入以其言見魏王魏王聽其說罷其兵免

成陵君終身不見九年與秦王會臨晉張儀魏章皆歸于魏索隱曰章為魏將後又相秦魏相田需死楚害張儀犀首薛公



索隱曰薛楚相昭魚謂蘇代索隱曰昭魚昭奚恤也曰田需死吾

恐張儀犀首薛公有一人相魏者也代曰然相者欲誰

而君便之昭魚曰吾欲太子之自相也索隱曰太子代即襄王也

曰請為君北必相之昭魚曰奈何對曰君其為梁王代

請說君昭魚曰奈何對曰代也從楚來昭魚甚憂曰田

需死吾恐張儀犀首薛公有一人相魏者也代曰梁王

長主也必不相張儀張儀相必右秦而左魏犀首相必

右韓而左魏薛公相必右齊而左魏梁王長主也必不

便也王曰然則寡人孰相代曰莫若太子之自相太子

之自相是三人者皆以太子為非常相也皆將務以其

國事魏欲得丞相璽也以魏之疆而三萬乘之國輔之

魏必安矣故曰莫若太子之自相也遂北見梁王以此

告之太子果相魏十年張儀死十一年與秦武王會應

十二年太子朝於秦秦來伐我皮氏未拔而解十四年

秦來歸武王后十六年秦拔我蒲阪陽晉封陵索隱曰紀年作

晉陽封谷正義曰陽晉當作晉陽也史文誤括地志云晉陽故城今名晉城在蒲州虞鄉縣西三十五里表

云魏哀王十六年秦杜陽晉陽即此城也封陵亦在蒲州按陽晉故城在曹州解在蘇秦傳也十七年

與秦會臨晉秦予我蒲阪十八年與秦伐楚徐廣曰二

王會二十一年與齊韓共敗秦軍函谷徐廣曰河二十

三年秦復予我河外及封陵為和哀王卒索隱曰及冢紀年終於哀

萬曆二十六年刊



王二十二年昭王三年索隱曰系本昭王元年昭王名邀

秦拔我襄城二年與秦戰我不利三年佐韓攻秦秦將

白起敗我軍伊闕二十四萬六年予秦河東地方四百

里芒卯以詐重七年秦拔我城大小六十一八年秦昭

王為西帝齊湣王為東帝月餘皆復稱王歸帝九年秦

拔我新垣曲陽之城正義曰年表及括地志云曲陽故城在懷州濟源縣西十里新垣近

曲陽未詳端的所之處也十年齊滅宋宋王死我溫十二年與秦趙

韓燕共伐齊敗之濟西湣王出亡燕獨入臨菑與秦王

會西周正義曰即王城也今河南郡城也十三年秦拔我安城正義曰括地志

安城故城豫州汝兵到大梁去十八年秦拔郢楚王

徙陳十九年昭王卒子安釐王立索隱曰系本安釐王

元年秦拔我兩城二年又拔我三城軍大梁下韓來救

予秦溫以和三年秦拔我四城斬首四萬四年秦破我

及韓趙殺十五萬人走我將芒卯魏將段干子請予秦

南陽徐廣曰在脩武以和蘇代謂魏王曰欲璽者段干子也欲

地者秦也今王使欲地者制璽使欲璽者制地魏氏地

不盡則不知已且夫以地事秦譬猶抱薪救火薪不盡

火不滅王曰是則然也雖然事始已行不可更矣對曰

王獨不見夫博之所以貴梟者便則食不便則止矣今

王曰事始已行不可更是何王之用智不如用梟也正義



日博頭有刻為梟形者擲得梟合食其子若不便則為餘行也九年秦拔我懷十年秦

太子外質於魏死十一年秦拔我鄴丘徐廣曰鄴一作廩丘又作邢丘

鄴丘今為宋公縣。索隱曰鄴七系反又音妻秦昭王謂左右曰今時韓魏與

始孰彊對曰不如始彊王曰今時如耳魏齊與孟嘗芒

卯孰賢對曰不如王曰以孟嘗芒卯之賢率彊韓魏以

攻秦猶無奈寡人何也今以無能之如耳魏齊而率弱

韓魏以伐秦其無奈寡人何亦明矣左右皆曰甚然中

旗馮琴而對曰索隱曰戰國策作推琴春秋後語作伏琴而韓子作推瑟說苑作伏瑟五文各

不王之料天下過矣當晉六卿之時知氏最彊滅范中

行又率韓魏之兵以圍趙襄子於晉陽決晉水以灌晉

陽之城

正義曰括地志云晉水出并州晉陽縣西懸壺山山海經云懸壺之山晉水出焉東南流注

汾水者趙襄子堡晉陽智氏防山以水灌之不沒者三

分陽不浸者三版知伯行水魏栢子御韓康子為參乘

也知伯曰吾始不知水之可以亡人之國也乃今知之汾

水可以灌安邑

正義曰安邑在絳州夏縣本魏都絳水

可以灌平陽

正義曰平陽晉州本韓都也括於人云魏絳水一名白水今名弗泉源出絳山

栢子肘韓康子履魏栢子肘足接於車上而知

氏地分身死國亡為天下笑今秦兵雖彊不能過知氏

韓魏雖弱尚賢其在晉陽之下也此方其用肘足之時

也願王之必勿易也

索隱曰易音以鼓反

於是秦王恐齊楚相約



而攻魏魏使人求救於秦冠蓋相望也而秦救不至魏  
人有唐睢者年九十餘矣謂魏王曰老臣請西說秦王  
令兵先臣出魏王再拜遂約車而遣之唐睢到入見秦  
王秦王曰丈人芒然乃遠至此甚苦矣夫魏之來求救  
數矣寡人知魏之急已唐睢對曰大王已知魏之急而  
救不發者臣竊以爲用策之臣無任矣夫魏一萬乘之  
國也然所以西面而事秦稱東藩受冠帶祠春秋者以  
秦之疆足以爲與也索隱曰與謂許與爲親而結和也今齊楚之兵已  
合於魏郊矣而秦救不發亦將賴其未急也使之大急  
彼且割地而約從王尚何救焉必待其急而救之是失

一東藩之魏而疆二敵之齊楚則王何利焉於是秦昭  
王遽爲發兵救魏魏氏復定趙使人謂魏王曰爲我殺  
范痤吾請獻七十里之地魏王曰諾使吏捕之圍而未

殺痤因上屋騎危

危棟上也。索隱曰騎音奇禮云中屋履危蓋昇屋以避兵也

謂使

者曰與其以死痤市不如以生痤市有如痤死趙不予  
王地則王將奈何故不若與先定割地然後殺痤魏王  
曰善痤因上書信陵君曰痤故魏之免相也趙以地殺  
痤而魏王聽之有如疆秦亦將襲趙之欲則君且奈何  
信陵君言於王而出之魏王以秦救之故欲親秦而伐  
韓以求故地無忌謂魏王曰秦與戎翟同俗有虎狼之



心貪戾好利無信不識禮義德行苟有利焉不顧親戚  
兄弟若禽獸耳此天下之所識也非有所施厚積德也  
故太后母也而以憂死穰侯舅也功莫大焉而竟逐之  
兩弟無罪而再奪之國此於親戚若此而況於仇讎之  
國乎今王與秦共伐韓而益近秦患臣甚惑之而王不  
識則不明羣臣莫以聞則不忠今韓氏以一女子奉一  
弱主內有大亂外交疆秦魏之兵王以為不亡乎韓亡  
秦有鄭地與大梁鄰王以為安乎主欲得故地今負疆  
秦之親王以為利乎秦非無事之國也韓亡之後必將  
更事更事必就易與利就易與利必不伐楚與趙矣是

何也夫越山踰河絕韓上黨而攻疆趙是復闕與之事

索隱曰復音扶富反謂前年秦韓相攻闕與而趙奢破秦軍也秦必不為也若道河內

倍鄴朝歌絕漳滏水與趙兵決於邯鄲之郊是知伯之

禍也秦又不敢伐楚道涉山谷

楚有兩道涉谷是西道河內是東道行三千里

正義曰劉伯莊云秦兵向楚有兩道涉谷是西道河而攻冥阨之塞

孫檢曰塞也徐廣曰或以為今江所行甚遠所攻甚難

致戰國策見作致秦又不為也若道河外倍大梁

正義曰從河外出函谷關歷同州南至右蔡左召陵

徐廣曰一無鄭州東向陳州則背人梁也

曰上蔡縣在豫州北七十里邵陵故城亦在豫州鄆城

縣東四十五里並在陳州西從汴州南行向陳州之西

萬曆二十六年刊



郊則上蔡邵陵在南而向東皆身之右定無左字也與楚兵決於陳郊秦又不取

故曰秦必不伐楚與趙矣又不攻衛與齊矣正義曰衛齊皆在韓

趙魏之東故夫韓亡之後兵出之日非魏無攻已秦固

有懷茅徐廣曰在脩武軹縣有茅亭。正義曰茅卯包反懷州武陟縣西十一里故懷城本周邑後屬

晉左傳云周與鄭人蘇忿生十二邑其一曰攢茅在地志云在懷州獲嘉縣東北二十五里也獲嘉古脩武也

邢丘徐廣曰在平臯。正義曰括地志云平臯故城在懷州武德縣東南二十里本邢丘邑也以其在可

之臯地也城境津以臨河內索隱曰戰國策云邢丘安城此少安字境津在河北境音九毀

反。正義曰境音詭字誤當作延括地志云延津故俗

字名臨津故城在衛州清淇縣西南二十六里杜預云

汲郡城南有河內共汲必危徐廣曰汲縣屬河內有鄭地徐廣曰成臯榮

陽亦得垣雍徐廣曰垣雍城在卷縣卷屬魏也決熒澤卷縣又有長城經陽武到蜜者也

水灌大梁大梁必亡王之使者出過而惡安陵氏於秦

徐廣曰召陵有安陵郡征羌有安陵亭。正義曰李奇

云言魏王使者出向秦云共伐韓以成過失而更惡安

陵氏於秦今秦之欲誅之久矣秦葉陽昆陽與武陽鄰

代之重非也正義曰括地志云葉陽今許州葉縣也昆陽故城在葉

縣北二十五里舞陽故城在葉縣東十里此時葉陽昆

陽屬秦舞聽使者之惡之索隱曰聽平聲使去聲隨安陵氏而亡

之正義曰隨猶聽也無忌說言使者惡安陵氏亦聽秦

亡安陵氏然繞舞陽之北以東臨許許必危矣秦有

許地魏國繞舞陽之北以東臨許南國必危正義曰南

可無害許昌縣南西四十里許昌故城是也此是屬韓在魏之

南故言南國括地志云周時為許國武王伐紂所封地

理志云潁川許縣古許國姜姓四岳之後文叔國無害

所封二十四君為楚所滅三卿背晉其地屬韓

萬曆二十六年刊

史記卷四十四

卷四十四

七



也異日者秦在河西晉國去梁千里徐廣曰魏國之界千里。正義曰河

西同州也晉國都絳州魏都安邑皆在河東去大梁有千里也有河山以闌之有周韓

以間之從林鄉軍徐廣曰林鄉在宛縣。索隱曰劉氏云林地各蓋春秋時鄭地之棠林在

大梁之西北徐廣云在宛縣非也。正義曰括地志云宛陵故城在鄭州新鄭縣東北三十八里本鄭舊縣也

按劉徐二說以至於今秦七攻魏五入囿中徐廣曰一作城也。

索隱曰囿即圃田圃田鄭邊城盡拔文臺墮垂都焚徐廣曰魏戰國策作國中

曰一云魏山都焚句陽有垂亭。索隱曰文臺臺名列王傳曰隱陵君施酒文臺也垂地名有朝曰都並魏臺

邑名。正義曰墮許規反括地志云文臺在曹州宛胸縣西北六十五里也。林木伐麋鹿盡

而國繼以圍又長驅梁北東至陶衛之郊正義曰陶曹州定陶也衛

即宋州楚丘縣衛文公北至平監徐廣曰平所亡於秦

者山南山北正義曰山華山也華山之東南七國時鄧州屬韓汝州屬魏華山之北同華銀溪並

魏地河外河內正義曰河外謂華州以東至魏也大縣數

十徐廣曰一作百名都數百徐廣曰一作十秦乃在河西晉去梁千里

而禍若是矣又況於使秦無韓有鄭地無河山而闌之

無周韓而間之去大梁百里禍必由此矣異日者從之

不成也索隱曰從音足松反楚魏疑而韓不可得也今韓受兵三

年秦撓之以講識亡不聽索隱曰撓音苦孝反謂韓被秦之兵撓擾已經二年云欲

講說與韓和識猶知也戰投質於趙請為天下鴈行頓

刃楚趙必集兵皆識秦之欲無窮也非盡亡天下之國而臣海內必不休矣是故臣願以從事王索隱曰從是松反從事謂



合從事王也索隱曰言戰國策亦然王速受楚趙之約趙挾韓之質索隱曰言韓以質子

入趙則趙挾韓索隱曰致致也謂質而親韓也以存韓而求故地韓必效之索隱曰致致也謂

致故地於趙也此士民不勞而故地得其功多於與秦共伐韓

而又與彊秦鄰之禍也夫存韓安魏而利天下此亦王

之天時已通韓上黨於共徐廣曰朝歌有寧鄉。正義曰共衛州共城縣寧懷

州脩武縣本殷之寧邑韓詩外傳云武王伐紂勤兵於寧故曰脩武今魏開通共寧之道使韓上黨得直路而

行使道安成正義曰括地志云故安城在鄭州原武縣東南二十里時屬魏也出入賦

之是魏重質韓以其上黨也今有其賦足以富國韓必

德魏愛魏重魏畏魏韓必不敢反魏是韓則魏之縣也

魏得韓以為縣衛大梁河外必安矣今不存韓二周安

陵必危楚趙大破衛齊甚畏天下西鄉而馳秦入朝而

為臣不久矣二十年秦圍邯鄲信陵君無忌矯奪將軍

晉鄙兵以救趙趙得全無忌因留趙二十六年秦昭王

卒三十年無忌歸魏率五國兵攻秦敗之河內走蒙驁

魏太子增質於秦秦怒欲囚魏太子增或為增謂秦王

曰索隱曰戰國策作蘇秦為公子增謂秦王公孫喜固謂魏相曰索隱曰戰國策作孫

行請以魏疾擊秦秦王怒必囚增魏王又怒擊秦秦必

傷今王囚增是喜之計中也故不若貴增而合魏以疑

之於齊韓秦乃止增三十一年秦王政初立三十四年

安釐王卒太子增立是為景湣王索隱曰系本安釐王生景愍王午也信

萬曆二十六年刊



陵君無忌卒景湑王元年秦拔我二十城以為秦東郡

二年秦拔我朝歌衛徙野王徐廣曰衛徙漢陽徙野王三年秦拔我

汲五年秦拔我垣蒲陽衍徐廣曰十一年獻城於秦。正義曰括地志云故垣地本魏

王垣也在絳州垣縣西北二十里蒲邑故城在隰州隰州縣南四十五里在蒲水之北故曰蒲陽衍地名在鄭

州十五年景湑王卒子王假立王假元年燕太子丹使

荆軻刺秦王秦王覺之徐廣曰二年新鄭反三年秦灌大梁虜王

假列女傳曰秦殺假遂滅魏以為郡縣又秦列之四國

太史公曰吾適故大梁之墟墟中人曰秦之破梁引河

溝而灌大梁三月城壞王請降遂滅魏說者皆曰魏以

不用信陵君故國削弱至於亡余以為不然天方令秦

平海內其業未成魏雖得阿衡之佐曷益乎索隱曰譙周云以予

所聞所謂國之云亡者有賢者而不用也如用之何有亡哉使紂用三仁周不能王况秦虎狼乎

索隱述贊曰

畢公之苗 因國為姓 大名始賞

盈數自正 胤裔繁昌 世載忠正

楊干就戮 智氏奔命 文始建侯

武實疆盛 大梁東徙 長安北偵

卯既無功 卯亦外聘 王假削弱

虜於秦政



皇朝通志

無名

中亦水師

王勳贈

皇朝通志

大梁東外

身受此節

于其然

勝九不命

文敏數克

皇朝通志

胤喬崇昌

世輝忠玉

皇朝通志

因國蘇城

大令故實

皇朝通志

史記卷四十四終



